

*Regrae et  
Grammatica.*



~~851~~

L

P


Nie pożycz się  
do domu.



*Loexye n° 2152*

VIII. 3. 19 g

LOGI SILESII  
AD INCLYTVM FERDINAN-  
DVM, PANNONIAE ET BO-  
HEMIAE REGEM IN-  
VICTISSIMVM  
HENDECASYLLABI, ELEGIAE,  
ET EPIGRAMMATA.



1529  
BIBLIOTHECA  
JAGELLONICA

G. VRSINVS VELIVS.

AVrea ut Ausonidæ legere poemata Logi  
Admirati animis obstupere diu.  
Atq; aliquis dixit de tot mirantibus unus,  
Mars pater, et summi filia uirgo Iouis  
Quid reliqui est? dudū Germano celsimus armis,  
Nunc dubia eloquij est alea, & ingenij.



BIBLIOTHECA Cim. Qu. 5560  
UNIV. IAGELL.  
GRACOVENSIS.

857. I.

INCLYTO ET MAGNANIMO FER-  
DINANDO PANNONIAE ET  
Bohemiae Regi inuictissimo.

CVm uertente hoc anno, inclyte atq; inuictissi-  
me Rex, in Morauiam prouintiam ab illustri Ma-  
iestate tua missus, munus & negotia mihi comissa  
obirem, atq; in grauisimam, & sane periculosam,  
qua; in uita nihil sensi acerbius, aegritudinē inci-  
dissem, qua; hunc annū ferme totū me occupatū  
tenuit, sauisimeq; afflixit: ut tamē ex malis siquid  
in esset boni decerperem, tanquā ex infestissimo ho-  
ste fructum & utilitatem aliquā percepturus, non  
pauca per hoc inuisum & perniciosissimū aegritu-  
dinis otium partim composui & scripsi, partim ue-  
ro iam antea inter occupationes & toties interru-  
ptum studiorū meorū cursum a me scripta, uerum  
inchoata adhuc & rudia, sub incudem quasi reuo-  
cās, castigatiora & politiora reddere conatus sum.  
Postea uero quā ex tā diuturno morbo releuatus,  
etsi nondū etiā satis confirmata ualetudine, Vien-  
nam uenissem, eo quidē proposito & uoluntate, ut  
recta ad Ma. T. ubicumq; illa esset inde contendere-  
rem, atq; amici & medici, nullo id pacto mihi cō-  
mittendū iudicarent, & sedulo pro se quisq; suade-  
rent, ne tam imbecilli adhuc & affecta ualetudine,  
eo praesertim etiā tum anni tēpore, quod in bene

A ñ

affectis, recteque ualentibus corporibus, morbos excitare consueuisset, tam longū iter ingrederer, sed quiescerem potius, & reliquias perniciosissimi morbi, tanquam hostiū persequens, bonā ualitudinem curarem, quōdēque dicerent, se satis confidere hanc meā ab aula T. Ma. absentiam, cuius tā graues ac perne necessariae causae uiderentur, apud exquisitissimū & clementissimū Principem, mihi fraudi nō futurā, eorū itaque ratiōibus & consilijs inductus, Viennae hactenus delitui, ubi cū otio abundarem, & apud Ursinū Velū meū, quem eximiae uirtutis & arduissimae amicitiae causa nomino, maximā scriptorū meorū partē inuenissem, instituta uia incedēs, quā oīa nō aliter atque olim Sybillina folia dissecta & temere dispersa uidebatur, in libellū atque ordinē certum quaedā redegi. Quae cū Ursino et Ioāni Rosino, spectatae doctrinae & uirtutis, acerrimique iudicij hominibus legēda dedissem, neque illis displicerēt, nihil minus quā hoc cogitantē, aut facere paratū hortati sunt ut aderē. Ego uero cū id negarē, dicerēque rudia adhuc illa, ut sunt, & impolita uideri, minimeque digna quae emitterentur, nō destiterūt tamē illi hortari, insistere, urgere denique. Itaque me inepte facturū existimauī, si taliū uirorū cōsilio & uolūtati diutius repugnassem, autoritate eorū persuasus, ad editionē animū appuli, neque hoc cōtentus, audacius insuper facinus designauī, neque ueritus sum has meas ine-

ptias inclytae Ma. T. dicatas emittere, in quo tātonere sustinēdo magnopere mihi æquantitate illa M. T. & uere regia uirtute opus est. Itaque quā maximis possum precibus, hoc a Ma. T. cōtēdo, ut hanc meā sedulitatē, qualēcunque quidē, officiosam certe, & ab optimo animo & Ma. T. studiosis profectā, boni consulere uelit, & libello huic meo se patronū & tanquam numen tutelare aliquod praestare nō dedignetur. Etsi in maximo summarū rerū et bellorū apparatu, dijs et hominib. probatibus riteque factis uetibus, Ma. T. summa cū laude et gloria omniumque admiratiōe uersetur, cū tamen Minerua eadē sit et sanguinolēti belli et literarū patrōa, sinat et hanc inter uictrices hederā tibi serpere lauros. Volui quippe et hoc extare meae erga inclytā Ma. T. obseruatiae, et calamitosissimi otij mei qualescunque testimonium. Quod si aliquādo, ac tandē plus otij, quod hactenus infeliciter semper, et nullo successu molior, mihi Ma. T. immortalī beneficio contigerit, ut in omnib. uotis et summo desyderio mihi expetitā Italiā redire, et interceptū fataliū tēporū perturbationē studiorū meorū cursum persequi mihi liceat, perfectiora deinde fortassis, et Ma. T. amplitudine digniora me spero exhibiturū. Deus opt. max. Ma. T. saluā semperque uictorē esse uelit. Viennae Pannoniae X. Maij M. D. XXIX.

*Sacrae Maiestatis tuae*

*Deditiss. aulicus*

*G. Logus Silesius.*

AD FERDINANDVM PANNO-  
NIAE ET BOHEMIAE  
REGEM.

**C**Vi nouum, tenerum, & modo expolitum,  
Musæ, cui rogo dedicem libellum?

Sic est, magnanimi fauore regis,  
Regis magnanimiq; Palladisque  
Ibit tutior omnium per ora  
Felix, alite, sydere & secundo  
Noster, qualubet, ut lubet, libellus.

At tu, Martis opus licet superbi,  
Et magnos meditere nunc triumphos,  
Intentissima cura dum tuum cor  
In graues modo cogitationes  
Pro omnium exagitat salute, quaeso  
O Rex maxime, numine hunc benigno,  
Illo numine, lumine & sereno  
Sacratum aspicias tibi libellum.

Sic diuum pater, & patrona uirgo  
Adsint egregio tuo labori,  
Regnatorem Asiae, Helladosque magnæ, ut  
Dñi magni horribilem & ferum tyrannum,  
Euertas cito fulminante bello.

AD EVNDEM.

**M**agnanime o iuuenis Rex alto a sanguine re/  
Cui genus a superis Cæsaribusq; uenit.  
Palladis armisonæ quia nam uirtute potenti  
Et studia, atq; animos, & decus omne tenes.  
Quæ tibi uictrici, semper comes addita, lauru  
Cingit honoratum diua superba caput,  
Cum uestro in terris non sit præsentius ullum,  
Quod uotis nauæ per maria alta colant,  
Et mea, Peliaco ceu quondam e uertice pinus  
Quæ cælum exornant sydere conspicuo,  
Cymba, pererrato post multa pericula ponto,  
Pallados, atq; tuo numine, tuta uolet.

IO. ROSINVS AD G. LOGVM.

**O**Ro candide Loge, ne benigni  
Foetus ingenij tui perennes  
Tandiu clauso sinu coherce.  
Rupto compede, uinculis solutis  
Auelli sine, libere uagari  
Doctorum libet ora per uirorum.  
Ingens per Latium, per & togatos  
Felici pede Romuli nepotes,  
Qua Thuscus rigat amnis arua, quaq;

Almos Eridanus sinu capaci  
Diffundit latices, agrosque dulci  
Rex uligine temperat feraces,  
Et qua nominis inclytum Latini  
Auditur decus, auolent licebit  
Foetus ingenij tui perennes,  
Maturi satis, & satis uenusti.

IDEM.

VT quæ Phidiaca manu polita  
Illustri cupiunt loco uideri,  
Vt matura uiro, pudica uirgo  
Dilectæ e gremio auolare matris  
Dilecti in gremium cupit mariti,  
Sic tincti salibus, facetijsq;  
Et culti satis aurei libelli  
Spectari cupiunt, uolunt probari,  
Indigni tenebris premi, situq;  
Ergo desine iam molestus esse,  
Oram solue, animæ tenent ferentes,  
Commisam moderabitur carinam  
Flauæ Palladis, & nouem sororum  
Aspirans fauor, & nepos Atlantis.

AD EVNDEM.

Quid est? nonne uereberis lepores,  
Et dulces Veneris tenere amores?  
Dura compede tu ne compeditos  
Suas delicias negare matri  
Audebis? Charitum decenter omnes  
Comptos muneribus, politulosq;  
Crudelis, satis, & diu tulerunt  
Acris iudicij moras, lituras,  
Complisti bene, iam foras abire  
Ad matrem sine, ne det illa dicam  
Diuum ad concilium poeticorum.  
Mater, lædere sed caue, Dione est,  
Quæ sanctû Idalium, Cyprum, Paphûq;  
Quæ Colchos, Cythereiumq; littus,  
Pisicosam Gnidon, ariosque apertos,  
Quæq; Dyrachium tenet, metallis  
Nobilemq; Amathuntâ, quæq; diuum  
Quiduis concilio potest, perurit,  
Omniumq; animos trahit, rapitq;  
Ergo corpore dum licet potentis  
Effugisse, deæ minas, malumq;  
Declina, Veneri suos amores,  
Tua nunc opera, tua Minerua  
Castos, candidulos, politulosq;

B

Et suos Veneri foras lepores  
Ornatos numeris Catullianis  
Dimissos sine prodeant beati,  
Et per Mercurialium uirorum  
Cœtus præpetibus ferantur alis,  
Dignos artificum ferant honores,  
Et quos nulla abolere possit ætas,  
Et quos tempus edax domare nunquam  
Sæclorum serie queat perenni.

IO. ROSINO.

Concessi tibi mi Rosine, & istum  
Qualemcunque quidem ædidi libellum,  
Fretus consilio, tuoque suasu,  
Illo & iudicio tuo eleganti,  
Multorum & studio, & tuo rogatu.

Incultum, illepidum, et parum politum,  
Nec dignum auribus elegantiorum,  
Dignum rite premi, bonaque lima,  
Et rudem nimis ædidi libellum.

Negavi fateor tibi uolenti,  
Instanti tibi sapius negavi,  
Non possum nimium diu negare  
Constanter tibi et usque consulenti,  
Suadenti tibi amice, Veliouque

Docto, atque egregio, inclyto & poeta,  
Scriptori historiarum et eloquenti,  
Intimo simul utriusque amico,  
Cuius, ceu foret ore missa Phœbi,  
Oraculo aut Iouis usque ab æluosi,  
Excitus lepida allocutione,  
Illi quam Charites, bonæque Musæ  
Afflarunt, quibus ille sacra quondam  
Fecit alite, numine et secundo.  
Hac tandem ille animum impulit morantem,  
Cunctantemque diu, et nimis uerentem.

Verum quicquid erit boni, malique,  
Vos præstabitis, ista culpa uestra est,  
Per quos non licet hæc magis latere,  
Et quibus potui nihil negare.

Fœcundum hoc modo seculum librorum est,  
Nemo non aliquid facit, uel ædit,  
Et contagio me quoque ista læsit,  
Morsus a rabida cane uelut sim,  
Sic libros cumulant libris, et ingens  
Aedendi scabies habet poetas,  
Nec uates agit modo illa, morbo  
Scriptorum omne genus sed hoc laborat.

IN GRATIAM STANISLAI  
TVRSONIS EPISCOPI

Olomuncensis in prin-  
cipio Ianuarij.

ANni Iane bifrons fator fugacis,  
Quo clauso trepidi silent tumultus,  
Silent classica rauca, non Enyo,  
Infanusque furor bonam quietem  
Turbant, impia bella sed te aperto  
Incumbunt uiolentius per orbem.  
Iam tandem cohibe impios furores,  
Et clausus maneat, diu & cupitam  
Pacem affer populis, quibus sacratas  
Christi religio dat alma leges.

His ciuilia uallibus silentium  
Proscribas age prelia, & tumultus  
Componas nimirum heu graues, furorq;  
Super saua sedens scelestus arma,  
Vinctus mille sed undique ipse nodis  
Ahenis, furiat tremendum, & ore  
Insultans fremat horridus cruento.

Hunc cum se fuerit ligatus ipso  
Factus sauior, horridum, & minantem,  
Duris undique uinculis solutum,  
In feros age, concitesque Turcas.

AD AMICOS:

MI Saure optime, tuq; mi Salixi,  
Docti, Iuppiter, & uiri absoluti,  
Tuq; Promnitiane mi diserte,  
Nostri lumina quæ ordinis superba.  
Meczleræ inclyte iuris explicator,  
Astrea, Themidosq; cultor almæ,  
Præstans eloquium utriusq; linguæ  
Affluit bene cui nepos Atlantis.  
Modestissime Lange, & erudite  
Vincenti, egregij mei sodales.

Quam bene est mihi cū meis amicis.  
Vrsinoq; meo, & meo Rosino.  
Quam mecum bene conuenit & illis.

Nimirum studia una nos, amorq;  
Vsq; conciliant, & usq; & usq;  
Et uirtus adamantinis cathenis  
Connectit lepidam sodalitatem,  
Cultores socios nouem sororum,  
Romanæ simul, Atticæ & Mineræ.

Non hic quam ille minus laboriosus  
Arma Principis, & uias secuti,  
Vno huic ut domino usq; seruiamus,  
Aula in sollicita, & laboriosa  
Quamuis rege sub optimo, & benigno,

Post decisa negotia ad suetum  
Reditur studium, elegantiasq;  
Dum nos altus amor tenet dearum  
Sanctum quæq; Helicon, quæq; amœnū  
Pindum, & Pierios colunt recessus,  
Parnassi iuga quæ tenent, & Hæmi  
Florentis iuga, quæq; per Hymeti  
Exultant benevolentibus in hortis,  
Hinc in Castalia lauantur unda,  
Quæ auro splendidius nitet, nitroq;  
Nō hic quam ille magis adhuc miselli,  
Fortunæ & nimium sumus malignæ,  
Vrsino licet æquior merenti est.  
Quam bene est mihi cū bonis amicis.

THOMAE NADASDENO.

Qvod sancto cineri senis uerendi,  
Nadadene, & habes pios honores,  
Atq; ornas tumulum tui propinqui,  
Et forsan meritis p̄i parentis,  
Dum curas memori diu in sepulchro,  
Et natum ingenio sacro, & perenni,  
Et fama, & decus, inclytumq; nomen,  
Aeternum ut uigeant senis beati,  
Rem dignam facis, inclytoq; honore

Nadadene tuo, & tui propinqui,  
Quamq; omnis sciet, & probabit ætas,  
Quamuis munere fungeris inani,  
Nec fructus meritum hoc sequatur ullus.  
Extinctum qui amat ille uere amauit.

VENCESLAO VILHARTIO.

Ingrata es nimium Thalia, certe  
Ingrata es nimium, nimisq; iniqua  
Certe usq; offitium tuum sodales  
Laudarunt, memini, meiq; amici,  
Cordis dimidium, meaq; uitæ,  
Omnes quos colere usq;, & usq;, & usq;  
Queis cum ludere, & usq; quos solito  
In cœlum solita es uocare uersu.  
Quid fecit rogo? quid mali est locutus  
Venceslaus? an hoc pudet, pigetq;  
Noster candidus, unicusq; amicus,  
Festiuus, bonus, omnibusq; amandus,  
Sagaxq;, & sapiens, & eruditus?  
Sic est, ebruuit, piget, pudetq;  
Sic est, nam tenera hæc tibi, & pudica  
Erumpit rubor igneus per ora,  
Rubor purpureusq;, consciusq;  
Noster unicus, optimusq; amicus,

Quem unum præfero millibus trecentis,  
Virtute, ingenio, eruditione,  
Fide, dexteritate, moribusq;  
Festiuus, bene comibus, benignis,  
Qui multum puerilibusq; ab annis  
Ornauit, coluitq; nos amice,  
Et nunc usq; amat, & colit, fouetq;.

Hoc semel licet auferes inultum.

Imprudencia nam malum hoc, pudorq;  
Excusat patria atque inepta factum.  
Ergo pone metum, sed heus Thalia  
Dilatatum nimium inde, debitumq; huic,  
Perfoluas cumulatius honorem.

#### AD LUSIELLAM:

**A**Mabo mea chara Lusilla,  
Comis, læta, decens, uenusta, blanda,  
Mitis scita, benigna, delicata,  
Nunc me amplectere candidis lacertis,  
Proceras ederae solent ut ulmos,  
Lasciuasque imitata da columbas  
Mitis, basia mi subinde mille,  
In me spiritus & tuus uagetur,  
Atq; in te meus, omnibus medullis,  
Quo nil dulcius est, suauiusq;.

Felix Salmacis & puer beatus,  
Quibus deliciae manent perennes.  
O quis te mihi blanda Lusilla  
Iungat perpetuo deus, quis oro  
Ut quondam facilis dea roganti  
Coniunxit puerum deus cupitum,  
Sed gratum fuerat modo hoc puella,  
Ingratum puero, sed hoc futurum est  
Tam gratum mihi, quam mea puella.  
Felices ideo deos puramus  
Aeternis quia gaudijs fruuntur,  
Nec ulli impediunt eos dolores.  
Si iungar tibi scita Lusilla,  
Et coelum, & superi ualete diui,  
Sit coelum mihi scita Lusilla.

#### STEPHANO BRODERICO.

**L**Ogi deliciae tui Thalia,  
Et solaciolum, unica & uoluptas,  
Tantum mi teneris amata ab annis,  
Quantum nemo oculos suos amauit,  
Vel si quid magis est amandum ocellis.  
Vir est unicus ex meis amicis,  
Nobilis, sapiens, & eruditus,  
Syncerus, bonus, integer, benignus,

Qui te deperit usque fido amore,  
Et quem tu redamas fideli amore.

Sed quid nam tenerum Thalia rides?  
Florentis iuga sic amcena Pindi  
Gaudenti benevolentibus coronis  
Flores sufficiant tibi perennes,  
Modo quem tenui uocas susurro  
Ille est optimus ille Brodericus.

Hunc tu per Genium suum, meumq;  
Roga per Iouium, & suum, meumq;  
Ut præstet mihi cum suis amicis  
Iisdem, & præcipuis meis amicis,  
Doctis, nobilibusque, maximisq;  
Zolcano patre, & optimo Barone,  
Laxanoq; meo probò, & sagaci,  
Affiniqu; meo, intimoq; amico,  
Ut me restituant tibi, mihi te.

Hoc tandem efficiet, suiq; amici,  
In uotis modo si meis quod unum est  
Curarint subito, simul beatæ  
Romæ, ut restituar suæ, meæq;

Romæ quo melius, beatiusque  
Nil Phœbusq;, sororq; dia cœlo  
Illustrant radis suis ab alto.

Sed quæ digna satis Thalia quæso  
Nos pro munere dic uenusta tanto

10  
Auro & præmia comparanda nullo  
Reddemus: placet, & decebit illum,  
Gratiq;, & memores uterque cultis  
Usque ad sydera uersibus feremus.

IN IOANNEM ZAPOLIEN  
SEM, REGNUM PAN

noniæ per uim & sce  
lus affectantem.

Qvis hoc quæat uidere, q's pati scelus?  
Nisi & scelestus, omniumq; pessimus,  
Quot altus ore sol tuetur aureo.  
Latronē habere regna Pæonum inçlyta,  
Et inuolasse scepra Regis optumi.  
An ille Ferdinandus hoc feret scelus?  
Non esset ille Cæsaris sacri genus,  
Non esset ille fortis alter Hercules,  
Domare monstra qui soleret impia.  
Eo ne nomine, o nefande proditor,  
In illa amcena Saxonum colonia,  
Iugum subacta quæ nimis tulit graue,  
Fuisti, ut inde nempe pretor impotens  
Per has avarus ut paraueras opes,  
Malas per artes, & malis uaser dolis,  
Modis nefandis improbe ambires tuum

Corona regia impium ut regat caput  
Et hocce iustus an deus ferat nefas  
Et hocce totus orbis an ferat scelus  
Non esset hic, & ille iustus, & bonus.  
Quid est an hac nefanda latronum domus  
Origo cuius atque nobile est genus,  
Auis, paterque ab ultimo usque sanguine  
Et hic, & ille, & iste cerdo sordidus,  
Parum an patrauit & domi, & foris malis  
Paterna furta nota scimus omnibus,  
Et hoc sciatur usque, & usque, & undique,  
Ut ille praedo regias uehens opes  
Rapinam agebat, hanc scit Ister aurifer,  
Suo fuisse qui latronem in aequore,  
Fugam dedisse perque liquidas uias  
Fatetur, altis ingemens doloribus.  
Et hocce Ferdinandus an feret scelus  
Sed extat ille Caesaris genus sacri,  
Sed est, eritque fortis alter Hercules,  
Domare monstra quippe nouit horrida.  
Quid huc fouetis improbi, aut quid hic potest,  
Quid iste cerdo, semivir quid impotens,  
Nisi ante cunctis ire proditoribus,  
Quos altus ore sol tuetur aureo  
Hac arte quippe regna, regis & caput,  
Paterque, & ipse perdidistis impie.

AD IOANNEM MATTHEUM  
VM GIBERTVM EPIS-  
copum Veronensem.

E Genti mihi quod lubens benigne  
Fecisti, auxilium & lubens meis in  
Angustis mihi rebus attulisti,  
Dignas nunc tibi gratias referre  
Nostrae non opis est, boni rependent  
Actutum omnia Deum tibi, atque uirtus,  
Quae totum tua peruolauit orbem.  
Hoc satis fuerit modo, quod unum  
Possum, nulla dies mihi, nec aeuum  
Nomen ex animo tuum reuellet.  
Siue annos Pylis senis uidebo,  
Cornicisq; simul, senisue cerui,  
Siue ego Elysium peram beatum  
Veris perpetui colens honores,  
Seu ciuis liquidum aetheris uocabor,  
Seu, quod nolle equidem malum, uidebor  
Saeui tristia regna adire Ditis,  
Quae luctus tenet, & malum omne regna,  
Et dirae quoque, fabulaeque manes.

Fabulas equidem putant uerusti  
Nonnulli, atque noui, bonos deos qui  
Timent carnifices putare, & illos

Lætari ex hominū nēgant dolore,  
Autoresque magis putant bonorum,  
Et causas homines mali sibi ipsis,  
Bonis præmia nos, malisq; rectum est  
Pœnas credere debitas inuri,  
Inferasq; domus, & esse manes.  
Doctis præmia uatibus sed ampla  
Ante omnes superi tamen rependunt,  
Quiq; hos muneribus suis honorant,  
Sint grati modo, sint pñ poetæ,  
Et ferant meritos in astra, sintq;  
Illis qui faciant boni benigne.

AD VRSINVM SVVM

Poetæ lepto suo sodali  
Vrsino Logus, optimi poetæ  
Horatij, quem amat impotente amore,  
Et uestigia cuius ille sacra  
Passu iam prope consecutus æquo est,  
Hoc diuinum opus, aureo in libello  
Compacto ingenio, manuque docta  
Ex magnæ Italiæ sinu, & beato  
Quo uiuit modo Felsinæ recessu,  
Dū ille in Pannoniæ interim Vienna,  
Et Musis bene gratus atque amicis

Doctis, ingenuis, & integellis,  
Viuit sua uiter ocio in beato,  
Transmittit, memor huius usque, & usq;  
In Pignus fidei, sui que amoris.

CASPAR VRSINVS VE/  
LIVS LOGO SVO.

Disertissime cultor o sororum  
Doctarum Loge, flos poeticorum  
Quot nūc sunt hominum locorū ubique,  
Gratias agit optimo poetæ  
Vrsinus tibi, qualis ipse cunque est,  
Pro tam munere culto, & eleganti,  
Formoso, aureo loque pro libello,  
In quo uatis opus perenne sacri,  
Quem cunctis habet ipse chariorem.  
Verum siue ioco, aut amore multo  
Factum est, ne uidearis indecenter  
Ausus, nec bene Velium poetæ  
Docto in carmine comparare tanto,  
Quem nemo fuit ausus æmulari,  
Et uestigia cuius ipse adoro,  
Vt desint mihi cetera poetæ  
Virtutes sapientis, ac rotundi,  
Nunc & lumine lippiens utroque,

Et collyria sustinens utroque,  
Hoc saltem uitio, licet molesto,  
Horati similis queam uideri.

IVSTO LVDOVICO  
DECIO.

**M**vsarum egregio, meoq; amico  
Optarim Decio libelle dicas,  
Quidam te rogat ex tuis poeta  
Et meus dominus, tuusque cultor  
Post negotia regis alta magni,  
Gradiuq; noui, & nouæ Diones,  
Qui Martem Scythicum, Getasq; duos,  
Frigidum ad Tanaim, atq; inhospitales  
Summouit Boreæ rigentis oras.

Ast illam ingenio, & decore formæ,  
Quando ipsam Venus, insolensq; Pallas,  
Iunoque eximio inuidens honori  
Lacessunt, deus arbiter rogatus  
Curæ Mercurius lyre repertor,  
Non pastor rudis ille, inelegansq;  
Vnum prætulit omnibus deabus.

Quamuis sollicitæ inuolutus aulæ  
Curarum undique fluctuesq; in undis  
Ipse, atque ingenio sagax potenti

Tot res assidue utriusque tractes,  
Martis Sarmatici, & nouæ Diones,  
Et molem hanc humeris tuis retentes,  
Si quando grauis acquiescet ardor,  
Et tristes cupies leuare curas,  
Huic breui, illepedo, & rudi libello,  
Sed non usque adeo rudi libello,  
(Nam te non adeo esse inelegantem  
Nequicquam tacitus libelle clamas)  
Qualicumq; quidem, bono, maloue,  
Et mentem admoueas, manusque amicas,  
Hoc tantū, te aliquot uidere nugas  
Logi ne pigeat, tui, meique,  
Qui te, nam sibi uera nunciabis,  
Colit, atque amat usque fido amore  
Nunquam illum ex animo suo remittens.  
Nam crescit magis, & magis, magisque,  
Auctus offitij bonis uicissim,  
Mutuaq; fide, parique amore.

AD VINCENTIVM Hortensiu.

**V**incenti, niueus color benigne  
Grato in corpore cui relucet, illum  
Nascenti Venus alma, Gratiaq;  
Afflarunt oculisque, & his capillis,

Nymphis Nirea qui decere amatum,  
Dilectum & Veneri queant Adonim,  
Narcissumq; & Apollinis comatum,  
Nymphis raptū & Hylan, Iouiq; raptū.  
Hæc inquam Venus alma, Gratiaq;  
Afflarunt tibi candide o sodalis,  
Et quicquid superum elegantiorum est.

Sunt hæc fluxa quidē, parumq; firma,  
Autumni & folijs magis caduca.  
Hæc morbus rapit, & grauis senecta,  
Casusq; innumeri, atq; damna mille,  
Non ingrata tamen, nec eleuanda,  
Pulchro munere nam obtigere diuum.  
Quin uotis magis expetenda multis.  
Nam cunctos homines decent, & ornant.  
Verum, si qua fides Logo, pudorq;  
Te longe ante alios decent, & ornant.

Hæc sanctæ fidei, bonæq; mentis  
Sunt certissima signa, pectorisque,  
Vel quali Oebali fuerunt fratres,  
Claro sydera nunc reposta cælo,  
Aut Ixionidesq; Theseusque,  
Nota quæ superis fides, & iuris,  
Morum sic tua amœna candidorum  
Respondet series tuo nitore.  
Quare inter ueteres meos sodales

Prælatum mihi millibus trecentis,  
Vincenti optime, uincis unus omneis.

#### AD TVRSONEM.

**T**uriso, Verrius ille quæ colebam,  
Ille Verrius, omnibus patronis,  
Quem tibi quoq; præferebam ineptus,  
Ridet carmina nostra avarus, & me  
Scribæ postposuit, Priapus ille.

#### DE CATELLA MORTVA LYCINNAE.

**O** quantum est hominū elegantiorū,  
Nunc ueltræ lachrymis genæ inadescant,  
Luctusque ingeminate amariores.  
Res est flebilis atque luctuosa,  
Digna q; omnibus omnium querelis,  
Quæ nostræ modo contigit puellæ,  
Quodq; acerbius, atque præter omnes  
Dolendum mihi maxime est dolores,  
Tanti heu causa mali sum ego misellus.

Namq; delitiæ meæ Lycinnæ,  
Et solaciolum unicum catella,  
Illa scita catella, quam Lycinna

Plus quam me, atq; meos amabat omnes,  
Quam suis quoq; præferens ocellis  
Semper in tenero sinu fouebat,  
Qua cum ludere, cui dare appetenti  
Solebat digitum, leuesque morsus,  
Latratus teneros & incitare.

Namque & blanda fuit, suamque norat  
Illa tam dominam bene, atq; amabat,  
Quam norat domina, atq; amabat illam,  
Nec se unquam a dominæ sinu mouebat,  
Blande sed saliens modo huc, modo illuc  
Ludebat dominæ usque blandiendo.  
Mea at nunc opera (heu mea) misella  
Auarum ante diem subiuit orcum.

Nam forte ut iuuenum beatiorum  
Vnum me facerem meæ puellæ,  
Ex syluis ego cum feris molossis,  
Venatu & rediens, pedem ferebam,  
Infelix nimium malum, ad Lycinnæ  
Formosum thalamum, aureumq; limen,  
Ut nostro leporem labore partum  
Velocem, huic rapidum simulq; ceruum  
Donarem, comites feros Molossos,  
Eheu sydere pessimo, & maligno  
Ducebam miser huc quoq; ipse mecum.  
Ast illa e roseo sinu catellam

Dimisit subito, obuiosq; gressu  
Et prædam, atq; meos petebat una  
Amplexus cupide, at canes catellam  
Tenellam arripiuntq; distrahuntq;  
In partes rabidi interim minutas.

Actæon ego tunc fuisse uellem,  
Vel nudæ fieri obuius Dianæ,  
Et tales mage pertulisse morsus,  
Tanti essem sibi causa ne doloris.

O factum male, nunc meæ Lycinnæ  
Flendo purpurei rubent ocelli,  
Quodq; acerbius est, amariusque,  
Infontem facinus Lycinna ob istud  
Iamq; odit mage, quã prius me amabat.

Hinc pœna crucior miser perenni,  
In fletus ab eoq; amarulentos,  
Et Myrrhæ, Heliadum & simul sororū,  
Et quæ usque in Sypilo lapis madescit,  
Vitam perpetuo ex eo ipse, luctu  
Lachrymoso, ago lachrymosiorem.

#### IOANNI CORITIO.

**C**oriti pater elegantiarum,  
Et uatum pater, omnium & leporum  
Custos unice, quotquot hoc in æuo

D

Luserunt numero modo hoc, modo illo,  
Docti Apollinis optimi poetae  
Pleni numine, numine & sororum,  
Quae Pindi nemora incolunt, & Hami.  
Inepte facis, & parum pudenter,  
Qui tot delicias, sales, iocosque,  
Tuis auribus, & tuo cachinno,  
Et tantum tibi credis esse factas,  
Et non omnibus omnium cachinnis,  
Quot sunt, quotquot erunt futuro in auro,  
Quae tu, ut diuitias nitentis auri,  
Niuosa in Scythia, Indiaque tolla,  
Formicae atque Gryphes, foues auarus,  
Ut custos oculatus ille quondam,  
Mutatae fuit additus puellae,  
Lanaeque aureolae uigil Draco ille,  
Malisque aureolis uigil Draco ille.  
Sed non hoc tibi sic dolose abibit.  
Nam sunt Mercurij mali, dolosique,  
Has qui delicias tibi inuolabunt.  
Quare quicquid habes facetiarum  
Dum res integra, dum licet uolenti,  
Ohe iam satis est, libenter ede,  
Ne post id facias tamen coactus.

AD QVIRINVM.

Ni plus dulci anima, meaque uita,  
Quantum & nullus amabitur, te amare,  
Mi iucunde Quirine, factum ob istud  
Odissem te odio graui merentem.  
Nam quae te mala mens in hos repente  
Aegit praecipitem obsecro furores.  
Dij isti dent mala multa acerba lenae,  
Quae scortum tibi pessima impudicum  
Nuper prostituit, tuoque peni.  
Quis deus tibi, quae maligna fata  
Sic mentem eripuerit: quaeue Erynnis  
Me tecum facit has mouere rixas?  
Fabella an cupis esse inepta uulgi?  
Num uis omnibus esse notus oro?  
Eris, quandoquidem tuos amores  
Cum nostra uoluisti amare poena.  
Oro si tibi forte non molestum est,  
Demonstres ubi sunt tuae latebrae.  
Te quaesiuimus in domo tua, te  
In foro, te in omnibus tabernis,  
Te in templis superum omnibus deorum.  
Quin omnes etiam rogavi amicos,  
Cum quibus tamen esse te solere  
Sape, & delitijs frui sciebam.

Dij

At tu nusquã aderas neq; hic, neque illic,  
Non si Persea uincerem uolando,  
Non si Mercurium leues per auras  
Sublatus bene praterire possem,  
Medis siq; forem ocyor sagittis,  
Non si Pegaseis nitens ab alis  
Sublimis ferar aerem per altum,  
Non te ego tamen inuenire possem.

Tandem languidus ipse quæritando,  
Et lassus quoq; in intimis medullis,  
Sic domum redij, tuoq; amori  
Infensus, simul & tuis latebris,  
Ut nec cœna mihi parata laure  
Foret grata, nec optimi sodales,  
Nec cantus, cytharæue me iuarent,  
Nec somnus animi leuamen ægri,  
Sed tota irrequietus ipse nocte  
Versabar miser, aureosque uultus  
Auroræ cupij uidere amœnæ,  
Ut teq; alloquerer, simulq; ut essem,  
Si te fors aliqua inuenire possem.  
Cum lassus tamen, & uigil iacerem  
Hoc feci tibi carmen, ut dolorem  
Nostrum perciperes, molestiamq;

Sed te quætere iam laboriosi  
Alcidæ labor est, laborq; Ulyssis,

Oro si tibi amice non molestum est,  
Demonstres, ubi sunt tuæ latebræ.

Nam te candida detinet puella,  
Quæ te urit miserum impotente flâma,  
Quæ te deperit impotēte amore.  
Felix mutuus ignis & calores,  
Felix quique & amas, amaris, ipse.  
Sed tu per lepidæ puellæ ocellos,  
Aut si quid magis est amandum ocellis,  
Demonstres ubi sunt tuæ latebræ,  
Riualem tibi neu putes paratum.  
Non sic non soleo meos amicos,  
Nec tibi inuideo, magis sed ipse  
Admiror magis, & magis, magisque.

Si fidum tamen audies amicum,  
Tandem pone modum tuo furori,  
Edisti satis, & satis bibisti,  
Amatus satis es, satisque amasti.  
Iam tandem ad solitos redito mores,  
Ac castus maneas, & intēgellus,  
Effrenem & Venerem, libidinesq;  
Ohe iam satis est, precor coherce.  
Ante omnes tamen improbã & scelestam  
Lenam si sapis, & me amas caueo,  
Cum Lena, & Veneris iugum superbæ.  
Est fallax dea, ne fidem huic habeto,

IN IANVM ROMAM PETEN  
TEM PROPTER PVEL  
lā cui nomē erat Lepusculū.

**C**Vm te Iane Lepusculum uenustum  
Tam longas faciat uias inire,  
Et Romam tibi causa sit petendi,  
In molli ut teneræ sinu puellæ  
Et ludas simul ipse, pruriasque,  
Captes deliciasque amceniores,  
Num pennas tibi Persei uolantes  
Optes, Mercurij ue, Pegasiue?  
Zetis ne, an Calais ne, Dedaliue?  
An malles lepus esse, quo puellæ,  
Quod sit illa lepusculum, uenustæ  
Esses gratior ipse, chariorque,  
Et cursu celeri, leuique motu  
Inuisas teneram citus puellam?

Hoc tu ne facias, cauebis apte.  
Ales nam Iouis impiger uolatu,  
Immitis leporem rapit fugacem,  
Et pennis superat pedes citatis.  
Ne sis tam temerarius caueto,  
Ut fias aquilæ rapina saeuæ.  
Et nunc si sapiēs, deos rogabis,  
In magni ut Iouis alitis figuram

Versus per liquidum aerem ferare,  
Altæ mœnia sic beata Romæ  
Continges citiusq;, tutiusq;.

Hic tu, sed repetens tuam figuram,  
Molli in gramine, floribusq; cultis,  
Et fontem prope perstreptentis undæ,  
In dulci teneræ sinu puellæ  
Sumes delicias amoris omnes.  
Nam iunges roseis labella labris,  
Atq; ut Chaoniæ solent columbæ  
Linguam purpureo tenens in ore  
Educes animam beatiorē.

Hinc post delicias amoris omnes,  
Post dulces Veneres, libidinesque,  
Et lusus, leuibus nitens ab alis  
Sublimem rapiēs celer puellam,  
Et raptor modo factus ex rapina,  
Venator lepidi lepusculique,  
Et prædam sine retibus beatam  
Nactus, qua libet hinc feres puellam.

Hoc tu cum facies, tamen caueto,  
Ne corpus teneræ feces puellæ  
Curuis unguibus, ore corneoue,  
Dum tanges niueas amans papillas,  
Aut dum sumere basium beatum,  
Vel gestis niueum femur, sinumq;.

Pertractare nec abstinere apte.  
Hinc felix simul, & beatus ipse,  
Sumes delicias amoris omnes,  
Carpes illecebras diu petitas,  
Nec tam longa uia amplius petenda  
Amanti, nec erit tibi uolandum,  
Celsæ mœnia per superba Romæ.

INEFFIGIEM P. BEMBI.

ALphonfus iuuenis in ære Bembi  
Duxit effigiem bonus disertus,  
Tam docte, atq; scienter, & uenuste,  
Ut Bembus dubites sit hic ne, an ille.  
Bembus ingenium sed eloquentis,  
Tam bene est Ciceronis æmulatus,  
Insculpsitq; animo suo illius uim,  
Alphonfus faciem ut bonâ ipse sculpsit.  
Nunc ab auspicio bono profecta  
Est industria & utriusque felix,  
Quamuis gloria maior, altiorq;  
Quam sit effigiem, est referre mentem.

AD BERNAR  
DVM A GLES EPISCOPVM  
TRIDENTINVM.

ALtera, magne pater, nostri fœtura libelli  
Te sibi patronum flagitat ut faciam.  
Nec putat iccirco promisso munere regem  
Fraudari, si se dedit illa tibi.  
Rex sacer ipse etiâ, rerû sub pondere fessus,  
Imponit humeris saepe onus omne tuis.  
Alcidae ueluti cœlum qui sustinet Atlas.  
Hinc Regi, atq; tibi, stet sacer iste liber.  
Vos mihi nãq; eritis, dũ spiritus hos reget artus;  
In terris merito, tu pater, ille deus.

E

PRECES AD DEVM.

**O**Mnipotēs genitor, cuius sub numie cœlū ē,  
 Quæ tua sãcta domus, terras unde arduus oëis,  
 Oceanumq; patrem, & gremio telluris in altæ  
 Victa tuis manibus sæui regna horrida ditis  
 Despicias, imperioq; premis Rex magne potētis,  
 Omnia rite tuum quæ sanctū nomen adorent.  
 Dum terræ altricis, tenuis & uescimur auræ  
 Mūeribus, sed fata manēt nos certa, precamur  
 Iam modo se acclinent nobis cœlestia regna.  
 Interea ueluti magno superā omnia ubiq;  
 Ipsa tuo imperio parent, tua iussa capeffunt,  
 Sic terræ ipse uolens tibi late obtemperet orbis.  
 Perpetuæq; cibo Cereris nos pascere misellos  
 Alme pater quocunq; die: noxasque remitte,  
 Et sceleri ignoscas nostro, si nos aliorum  
 Rite hominū culpæ facile indulgemus, & aufis.  
 Ne scelerum furia, & peccandi dira libido  
 Pertētēt animos, duce te, neue improbus hostis.  
 Da meliora tuis, & numine cœpta benigno  
 Nostra iuues, semperq; malo nos eripe ab omni.

CHRISTIANAE religionis Symbolum.

**H**æc mihi certa animo sedet, æternūq; sedebit  
 Religio, esse deū qui magni ingentia mundi  
 Mœnia, sydereumq; polū, terrasque iacenteis,  
 Oceanūq; uagum, undosi regna humida Nerei  
 Omnipotens nutu tantum, uerboque potenti  
 Condidit, autor opus nulliq; imitabile struxit.

Et mihi certa fides, æquo qđ numine christus,  
 Imperioq; pari magni genitoris, Jesus  
 Ipse manu rerum ualida moderatur habenas.  
 Qui quondā auxiliū portans mortalibus ægris  
 Humana terram inuisit sub imagine, at illum  
 Regia uirgo parens nullos dea passa Hymenæos  
 Semine ab æthereo dias in luminis oras  
 Protulit, ipse nouum fato instauraret ut orbem,  
 Qui late Solymas princeps dititione tenebat  
 Pilati imperio, quem gens scelerata suorum  
 Affixere cruci, quid enim commiserat ille?  
 Innocuū, infontem, nimirūq; heu funere acerbo  
 Demiserere neci: sed enim, mirabile dictu,  
 Et quæ sola deo fuerit concessa potestas,  
 Postq̄ aurora decēs cœlo ter dispulit umbras  
 Extulit os sacrum tumulo rediuiuus ab ipso  
 Ille, dehinc stygias etiā descendit ad undas  
 Inuia perrumpens uiuis loca ditis auari.

Inde herebi uictor, uincētis & om̄nia lati,  
Sydereā in sedē, superum, n̄ tēpla aurea diuum  
Euectus, magni dextræ genitoris amata  
Proximus usq; manet dignatus honoribus æqs.  
Idē olim, sic fata trahunt, uolentibus annis,  
Vna dies toto exitiū quando afferet orbi,  
Aeris in campis, summisq; in nubibus hærens,  
Stipatus socijs manifesto in lumine diuis  
Adueniet, iudex non exorabilis ultra.  
Quiq; auferre nefas infandum, ausoq; potiti,  
Horū animas scelerū fontes, fecundaq; pœnis  
Corpora, supplicij aternū ascribit acerbis.  
Secretosq; pios, animas meliora sequutas  
Immiscens superis, cœlo secum inferet alto.  
Quodq; animis hominū subit ispirātibus auris  
Aethereis numen, magnam dū mentē, animūq;  
Immittit, cœtusq; pios coniungit, & omnem  
Almæ religionis opes diffundit in orbem,  
Credo equidē, nec uana fides mihi uera canenti,  
Omnibus una dies nunc irreparabile corpus  
Restituet quondam, instauratosq; ordinē miro  
Excipiet meritos cœlum, iucunda ubi semper  
Vita pijs agitur, nullique obnoxia fato.

IVSTO LVDOVICO DECIO.

**H**Oc tibi pmissū nuper, Iuste optiſſe, munus  
Aonidum cultor donat habere Logus.  
Dū fidei memor atq; tui est, pedibus qa senis  
Conclufi in numeros te rogitante preces.  
Quas olim diui in terris, quasque ipse solutis  
Ediderat uerbis diuum, hominumq; pater.  
Iure tibi obsequimur: studio pia sacra colendi  
Nullū homini in terris dignius esse potest.  
Non animus, uires me destituere, uolentem  
Auribus apta tuis edere, & apta rei.  
Magna feram exigui conatus præmia, si tu  
Sumpseris hæc grata qualiacunq; manu.  
His precibus quoties & diuum numē adoras,  
Tunc quoq; non pigeat te meminisse mei.

AD STANISLAVM TVRSONEM  
Episcopum Olomucensem.

**N**On ego celarim diua, quam iuuerit ingēs  
Me Turso, & quanti sit mihi causa boni.  
Ut ne præteriens annis fugientibus ætas  
Ista hominum memori deleat ex animo.  
E trabe descendēs, & Palladis æmula Arachne  
Illius in celebri nomine textet opus.  
Neu simus nimium ingratorū more superbi,  
E in

Immemores tantū neu simul offitij.  
Hæc uobis referam Musæ, uos dicite cunctis,  
Et passim hæc porro spargite in ora hominū,  
Nam me fortuna oppressum, casuque maligno,  
Ipse ope Turso sua restituit miserum.  
Ac uelut e fluctu ereptum superimpendentis  
Naufragij in portum restituit placidum.  
Desertū a patre, & consanguinitate propinquis,  
Et quorum nostro fama uirescit anus  
Ingenio, æternum uolitatq; per ora uirorum,  
Quam nō delerint sæcula cuncta quidem.  
Illos non homines humano semine creti  
Nutrierunt certe, at bellua dira magis,  
Indomita aut Tygris, fuluo uel crine Leæna  
In duris Lybiæ montibus hos aluit,  
Infantis casum qui non miserantur amici,  
Surda & pratereunt supplicis aure preces.  
Cū tā iactarer, quantum deprensus in alto  
Naufragus undisonis fluctibus obruitur.  
Et iam itaq; magis, undarum in molibus altis  
Voluitur implicitus gurgitibus rapidis.  
Quid faciat miser, ah miser, et male perditus ille?  
Quanti huic ex tristi corde fluunt gemitus?  
Nunc ope Neptunni, nūc Nereidum implorata,  
Castoris atque etiam lumine conspicuo.  
Et qui uicq; deū salæ imperium Amphitrites

Rite tenent, non hic immemor & Boreæ,  
Ast illum orantem piscosi numina ponti  
Præsenti eripiunt perditum ab interitu.  
Sic me etiā rapidis immersum Turso procellis  
Præsenti eripuit maximus auxilio.  
Hinc uolo perpetuo Tursoni deditus esse,  
Dūq; anima, & fuerit uiuere dulce mihi.

### AD THOMAM A ZALAHAZA

Episcopum Agriensem Epistola.

Quantū ego sum uestræ gētis studiosus, ubiq;  
Ex animo faueam & quantū ego Pānonijs,  
Pannonios facio testes, teq; optime Præful,  
Vnus enim ex uobis nunc ego, & ante fui,  
Communes dominos, uictriciaq; arma secutus,  
Militiæ & uestræ pars quotacunq; feror.  
Quin etiā Italia in magna flotente iuuenta  
Cum colerem doctas nō sine laude deas,  
Felsina qua uberibus late patet inclyta campis,  
Et Rheni exigui flumina parua bibit,  
Ex gremio cuius, uelut ex Heliconis amœni  
Fonte sacro, æternū pectora docta fluunt,  
Pannonijs nemo uixit coniunctior illic  
Externus, sanctæ fœdere amicitiae.  
Nadaldene mihi testis charissime certus  
Esse potes, Vardai, Calnai doctæ mihi.

Innumeriq; alij, sic est, chorus annuit omnis,  
Agnoscentq; omnes me omnia uera loqui.  
Vos facio testes Musæ, quarū inclyta late  
Fama uolat magnæ munere Pannoniæ.  
Dicite Pannonij uobis cur negligor unus?  
Virtuti potior nusquam habeatur honos,  
Cumq; bonis, q̄ uestra habeat Pannonia: forsan  
Aspera & hic etiã, & me mea fata premunt.  
Quis uos mutauit subito deus, an quia longe, ut  
Ex oculis, uestro labor & ex animo?  
Emergere alij, quibus aucta potenter adest res,  
Et faueo meritis, gratulor usque bonis,  
Si quos alma leuat uirtus radiantibus alis,  
Non equidem inuideo, miror at ipse magis  
Quosdã etiã, ah quales? famæ & uirtutis egêtes,  
Hæret in immundo dũ Logus usq; luto.  
Sed tu iam tandẽ uatem miseratus amicum,  
O princeps patriæ fama superba tuæ,  
Qualẽcumq; licet uatem, clarissime uates,  
Largius Aoniũ quem bibere amnis aquam  
Et Phœbus pater, atq; nouẽ pia numina Musæ  
Rite sinunt, placido lumine me aspicias.  
Promittunt proceres uestri large, & mihi spõdēt  
Omnia, quod nondum sentio, sed memini,  
At tu, magne, precor præsta, & mox effice, ut illi  
Non tantũ hoc dicant, sed magis ut faciant.

AD IOANNEM TURSONEM.

De ratione nominis Tursonum.

DVM late uirides hortos, herbasq; salubres,  
Et lætos flores dum Columella canit.  
Candida uibrato discrimine candida Turso est,  
Lactuca enumerat dum genera, istud ait.  
Scilicet hinc uestræ est nomẽ Turso inclyte gēti,  
Eois notum nomen, & Hesperijs.  
Siue aliunde fluit, quamuis mihi credere nõ est,  
Hoc liceat per te credere Turso mihi.  
Hinc niueus uestri candor stat pectoris, omni  
Tempore, sic floret candida uestra fides.  
Et se uibrato late discrimine pandit,  
Præcipue miseris sed tamen illa nitet.  
Et quos alma leuat uirtus radiantibus alis,  
Quiq; grauẽ gemino Pallada honore colũt.  
Turso uiret, Phœbi terras siue æstus hiulcat,  
Seu niue sub gelida cum fata læta iacent.  
Seu pater autumnus diuini ruris honores  
Explicat, aut tenera uer sua dona manu.  
Et uiget, & toto non unquam deficit anno,  
Atque suas nullo tempore perdit opes.  
Decerpas lato foliorum ex ordine si qua,  
Tempore substituit iugiter illa breui.  
Immites dextræ, quæ sic abrumpitis illam;  
Ne se succrescens illa nouare queat.

Carpe tamen leuius, neue illā a stirpe reuēllas,  
Ut se mox possit larga referre tibi.  
At tibi perpetuo, Tursonum clara propago,  
Quas large miseris & dare sæpe soles,  
Diuitiæ a superis geminato fœnore crescant,  
Atque alia ex alijs commoda nata fluant.  
Et uenæ ubertim currant auri atq; metalli,  
Vosq; indefesso flumine & usque beent.  
Tāq; diu uestrū decus, & domus alma uirescat,  
Quam longæua diu Turso uirere solet.

AD LYCINNAM.

**T**Er inō tristis hyems canis lata pruinis  
Spargit, & argenti frigore stringit aquas.  
Quæq; prius ramis late frondentibus arbor  
Sustulit erectum clara sub astra caput,  
Illa modo insani Boreæ concussa procellis,  
Candenti gelidam sub niue spectat humum.  
In niue fixa manent leporum uestigia molli,  
Indomitas produnt & sua signa feras.  
Venator gelido quas sub Ioue dum petit acer,  
Ah nihil est teneræ coniugis ille memor.  
Me tenet exigui propter caua flumina Rheni  
Felsina, ab Aemilio nobilis aucta ducē.  
Quam iuxta aerias pater Appenninus in arces,  
Altaq; saxosis fertur in astra iugis.

Hic mē florentem studijs, florentibus annis  
Musarumq; chori, castaque sacra iuuant.  
Et me diuini fontes, & amœna uireta  
Delectant, sanctis quæ loca culta deis.  
Hic habitat Phœbus, Musæq; atq; optia Pallas.  
Integris quorum fontibus ora lauo.  
Cū tamen interea, lōge heu mea distat ab oris  
Italiæ, & sine me pulchra Lycinna manet.  
Quā retinet liquidis piscosa Silesia in aruis,  
Odera cæruleo qua fluit amne celer.  
Qua timet insani Boreæ uicina procellis  
Oceani tingi Parrhasis Vrsa uadis.  
Vndiq; terra iugis, nemorūq; horretib. umbris  
Abdita, & irriguis undique diues aquis.  
Et uenis auri diues, chalybumq; metallis,  
Quæ diti in gremio terra benigna fouet.  
O nemora, o montes, atq; o loca cognita Musis  
Italiæ, curis consciaque antra meis.  
In uita uobis mihi nil iucundius usquam est,  
Vos ingrata absens sola Lycinna facit.  
Quæ licet hinc longa distet regione, uiaque,  
Est animo præsens attamen usque meo.  
O quoties dum sydereo nix fusa ab olympo  
Decidit, & montes, aruaque culta tegit,  
Sic pectus dixi niueum, formosaque uitæ  
Ora nitent nostræ, marmoreiq; pedes.

Ah quoties aurora niues dum lumine claro  
Illustrat, roseis uecta per astra rotis.  
Lumina sic nostræ fulgent, mea flamma, puellæ,  
Quiq; in purpureo est plurimus ore nitor.  
Sæpe etiam dum Phœbeo resoluta calore  
Nix fluit in latices candida, abitq; nigros.  
Suspirans dixi, forte olim inuisa senectus  
Prædetur formæ sic decora illa suæ.  
O ego, tanta mihi ne sit modo pœna ferenda,  
In duro saxum quam scopulo esse uelim.  
Stare uel undoso cautes circumflua ponto,  
Horrida quam sæui uerberat unda maris.  
Quando erit illa dies, cum te, mea uita, uidebo,  
Et figam roseis oscula nostra genis?  
Oscula, uel cœlo diuis non cognita in ipso,  
Qualia nec Marti dat Venus alma suo.  
Et rangam teretesq; manus, uescasq; papillas,  
Pectoraq; intactas uincere digna niues.  
Quãdo ego te sæua redeuntem a cede ferarum,  
Dianæ aspiciam munera ferre tuæ?  
Setosi caput aut apri, aut cum dentibus albis  
Ora lupi foribus torua dicare sacris.  
Interea quando duræ horrida frigora brumæ,  
Absentem gelida sub regione tenent.  
Fata deos quæso tibi dent mollissima, & æuam,  
Quæq; alijs dura est, sit tibi mollis hyems.

Ne concreta tibi teneras unda aspera plantas,  
Neue secet pulchras durior aura genas.  
Candida neue tuo nix insidiata nitori,  
Præcipitet faciles lubricaue unda pedes.  
Ipse ego, quod possū, memori te in corde, animoq;  
Absentem, inq; imo pectore semper amo.  
Nam ueluti ueras simulacra imitantia formas  
Par leuibus uentis corpus inane gerunt.  
Sic mihi chara oculis tua sæpe occurrit imago,  
Fallit & admotas umbra petita manus.  
Sæpe ego solatus miserum testudine amorem  
Percurri arguta fila canora manu.  
Cū mihi tu præsens choreas es ducere latus,  
Et scite exiguum uisa mouere pedem.  
Hic mihi tunc fuerit longe gratissimus error,  
Si modo sit de me mutua cura tibi.  
Ast ego cum tantos non possim ferre dolores,  
Et sine te quia sunt omnia acerba mihi,  
Cum primū uer purpureū beneolentibus herbis,  
Suauibus & pinget florida prata rosis,  
Et studijs meditor, finemq; imponere curis,  
Inq; tuos uelox ipse redire sinus.  
Interea, quando sic impia fata tulerunt,  
Casta uale, & nostri uiue Lycinna memor.

F

IULIO CLEMENTI SAVROMANO  
GEORGII SAVROMANI FI-  
LIO SVAVISSIMO.

**T**Vne mihi formose puer non dictus abires?  
Te non in cœlum carmine Iule feram?  
Tunc ego Sauromano ingratus, indignusq; fatebor  
Fœdere me, & fructu dulcis amicitia.  
Sauromano, qui me ornauit, qui iuuat, & in me  
Omnia quæ potuit contulit officia.  
Ne mihi ne tantum scelus o permittite diui,  
Ut mea chare tibi carmina Iule negem.  
Fortunate puer, felici nate sub astro,  
Atq; adeo felix tu quoq; uterq; parens.  
Exinio patër eloquio, donisque Mineruæ,  
Tu genitrix multum nobilis & Paphia.  
Sæpe illum magni resonantem Cæfaris acta,  
Quæq; extant belli plurima, quæq; togæ,  
Audnt & Rhenus genitor, & flumen Iberi,  
Audnt, auriferas & requieuit aquas.  
Hesperia ille etiam luctus solatus amarus,  
(Discessu domini mœsta erat illa sui,  
Ceu pia dum charo mater timet anxia nato,  
Et uitam assiduis flens agit in lachrymis)  
Absterfit lachrymasq; omnes, tristesq; querelas  
Viribus eloqui sustulit ille boni.

An ne hoc præteream Rhēni qua docta, potensq;  
Felsina ad exigui flumina parua iacet,  
Gymnasia princeps illic dum nobilis esses,  
Et magna in populo seditio orta foret,  
Ipse bonis iunctus, sæuo gliscente tumultu  
Duxisti iuuenes ad meliora bonos.  
Viribus his ciues sunt pulsi ex urbe nefandi,  
Tranquillum amplexi, te duce, pacis opus.  
Concordes proceres, Musisq; addicta iuuentus  
Arma mala, & tristes deposuere minas.  
An non Alcidaæ similis portenta subegit  
Impia? synceri perniciem eloqui,  
Barbariem insectans Auerruncator, & illam  
Inflaram linguæ perdomuit rabiem.  
Cumq; alia liquidis subito extinguantur in undis,  
(Momentum bullas nam facit, atq; rapit)  
Conflauit bulla hic liquido ex adamante perennē,  
Quæ iugulat gladius horrida monstra suis.  
Multum illi hanc urbem certe debere fatendū est,  
Tot mala cui dempsit, tot bona cui peperit.  
Magna quidē his lōge, sed enim maiora canemus,  
Herculei superest namq; laboris opus.  
Dum nuper castæ pro rēligionis honore  
Pugnat, & euertit sacrilegum ille nefas,  
Eloquio cessit demens audacia, & omnis  
Impius ille furor, linguaque uicta iacet.

O bona Iule dies, felixq; & tempus, & annus  
Qui te fecundo protulit ex utero.  
Illa etenim gemino partu memorabilis una est,  
Corporis, atque animi quæ bona tanta dedit.  
Ingenij sobolem illa piam conceptam, & in imo  
Auctam animi gremio, lux eadem exhibuit.  
Auspicio illa bono, manifesto & numine diuum  
Sauromane effulsit, crede, tibi alma dies.  
Relligio defensa bona est, turba impia uicta,  
Quam furia exagitant, quã dolor altus habet.  
At pius ille pater Clemens, diuum unica cura  
Agnouit numen numinis ipse sui.  
(Cuius adoptiuũ, & uerum puer optime nomen  
Impositum Clemens Iulius unus habes)  
Agnouit diuum auxilium inspirantibus auris  
Aethereis, sacris hanc dare rebus opem.  
Scilicet hæc eadem exitium quæ terra ferebat,  
Illa mali ut præsens mox medicina foret.  
Fidus & ille sui domini Gibertus Achates,  
Pierij columen, spesq; decusq; chori,  
Præsentem agnouit grate uim numinis, & te  
Complexum miro semper amore fouet.  
Hic te adeo indignis fortunæ fluctibus actum  
Quamprimum in portum restituet placidum.  
Quo me dulcis amor rapuit, tuaq; inclyta uirtus:  
Tanquam illam possim dicere tam subito.

At laus est eadem pueri, quæ magna parentis,  
Nos tamen inceptum nunc repetamus iter.  
Septimus infanti est mensis, & eburneus ordo  
In teneri dentum purpureo ore nitet.  
Dij quantũ est animi in puero, & uirtutis auitæ  
Ignis, agit iam tum pectora in alta decus.  
Non illum uideas fletu, non fronte molestum,  
Ludit, & huic risus semper amœnus adest.  
Et ludit, ridetque, & blando murmure garrit,  
Tanquam aliquid norit dicere quod uoluit.  
Arridet blandum genitori, almæque parenti,  
Omnibus arridet, deliciasque facit.  
Nimirum ingenium est illi, & natura benigna,  
Et generis bonitas emicat in puero.  
Neinpe bonos nasci certũ est e gente bonorum,  
Semina si referunt quælibet orta sua.  
Hoc quoq; eĩ mirũ est, quoties uel carmina cãtas,  
Siue soluta legas, siue ligata pede.  
Nõ tarũ est Rhodope miratus, et Isinarus Orphea  
Non undæ, atque fera, non nemora, et silices.  
Quam supet, intetisq; puer uerba auribus haurit,  
Murmurat hinc tâquam reddere & illa queat.  
Quis homini partem diuini animi esse negarit  
Talia si in tenero pectore signa micant?  
Quid memorẽ formæ decus, et pulcherrima dona,  
Et flauos crines, purpureasque genas?

Brachiaq; & teretes digitos, oculosque Mineruæ,  
Quid pectus niueum, marmoreosque pedes?  
Atque etiã ingenuas formoso in corpore uires,  
Plena etenim neruis fortia membra uides.  
Quales Pollucis animosi & Castoris artus,  
Dum teneri in cunis, et sine uoce forent.  
Qualis & Alcides, cum perderet impiger infans  
Angues terribiles colla premente manu.  
Viue diu generose puer, famamque parentis  
Assequere, atque etiã si potis es supera.  
Hoc ille in tēplis semper diuum omnibus optat,  
Aeterno quoties fert pia thura Ioui.

STANISLAO TURSONI EPISCO-  
PO OLOMVCE NSI.

**I**ncertis terræ & pelagi modo fluctibus actus  
Confugio in portum, Turso benigne, tuum.  
Hic mihi certa quies, hic fulget sydus amicum  
Semper, & est uelis mollior aura meis.  
Quos ego nō homines, quæ non miser ante rogauit  
Numina: at in nostras utraque surda preces.  
Tandem culta mihi teneris pia numina ab annis  
Alloquor, aternū quæque colenda mihi.  
Phœbe pater, Phœbiq; nouem, mea cura, sorores,  
Vos etenim nostis quid ferat hora sequens,

Dicite, sic uobis grati iuga amœna Heliconis  
Vsq; ferant canis lilia cum uiolis.  
Et uarios fundant in ferta uirentia flores,  
Sic uos perpetui ueris honore beent.  
Quis magnæ Italiae reducem me sistet in oris,  
Quis mihi me reddet, quis studia illa mea?  
Delitiæ diuū atq; hominum pulcherrima Roma,  
Virtutum, atq; bonorū omniū amœna domus.  
Quando optata mihi tandem lux illa orietur  
Excipiet blando cū me iterum illa sinu?  
Occurrentq; mihi doctissima turba sodales,  
Quorum absens uiuo nocte, dieque memor?  
Sauromani ante alios, quo uix mihi charior ullus,  
Aut melior toto uiuere in orbe potest?  
Sauromani eloquio tam clari, ut credere possis  
Non alio diuos ore solere loqui.  
Sic ego, cum Phœbi iussu doctissima fandi  
Calliope sacro suscipit ore dea.  
Heu frustra tantis iuuenis iactate procellis,  
Aspera quod nimium fata fuere tua,  
Ille pius nostri cultor, diuumq; sacerdos,  
Præsidium uitæ Turso, decusque tuæ,  
Iam pridē unus opem, atq; ultro tibi, crede, tulisset,  
Te releuans solita pro bonitate sua,  
Fata obstant nimium, & terris nunc tēpus iniquū,  
Atq; sua, atq; suorū, aspera damna nimis,

Bellum obstat, lachrymosum, & detestabile bellum  
Omnibus, & uirtutum horrida pernicies.  
Sed tandem afflictis iuuenem succurrere rebus  
Ipse deum supera iussit ab arce pater.  
Heroum de stirpe, & auito a sanguine regum,  
Cæsaris hic magni est sanguis, & ante nepos.  
Hoc duce & antiquæ flore bunt laudis honores,  
Aureaque in terris sæcula rursus erunt.  
Tursonis monitis multum, & prece motus amica,  
Consulet hic studijs prospicietq; tuis.  
Sic ait, & roseis sese dea sustulit alis,  
Tunc & aues faustæ signa dedere bona.  
Spes est certa mihi, non nouit fallere Turso,  
Credere nec fas est fallere posse deam.

SIGISMUNDO AVGVSTO INCLY  
ti Regis Sarmatiæ filio, & Principi Lithouaniæ.

**M**agne puer, magnis genite, et quæ numia forti  
Sarmatiæ superi missa dedere polo.  
Iam nunc te in pulchram uirtutē, animosq; uiriles  
Excitet ardentem magnus uterq; parens.  
Nā genitor, ceu fulmineis Mars sæuus in armis,  
Proterit hostiles per fera bella manus.  
Indomitos late ille Scythas, dum a finibus arcet,  
Et multa Geticam cede colorat humum.

Diua parēs, decus Italicū, pulcherrima nymphe,  
Vnica quæ tali digna reperta uiro.  
Heroum de stirpe, & auito a sanguine regum,  
Et regina ingens ipsa, deumq; genus.  
Cui Pallas docta ingenium, Venus alma decorē,  
Imperium tribuit Iuno superba potens.  
Ingenium, & sacrae uirtutis semina, & ignes,  
Innatumq; decus huius, & huius habes.  
At non Aeacides immanes ante leones  
Strauit, & increpuit fila canora lyre,  
Carmine dum traheret molli durissima saxa,  
Facundo aut doctos fudit ab ore sonos,  
Queis fera mollescūt, si quando in bella feruntur,  
Corda uirum, atq; animos composuere truces,  
Aut contra orē graui inflammati, fortibus ausis  
In medias acies Marte furente ruunt,  
Nec rapidos cursu præuenterat impiger euros,  
Direxitue agili spicula certa manu,  
Non sic sponte sua enituit, licet insita sacrae  
Naturæ huic fuerint semina larga satis,  
Horrendo nisi semiferi Chironis in antro  
Excultus studijs talibus ante foret.  
Non Asiæ domitor Macedo fortissimus olim  
Vidisset solis exorientis equos  
Efflantes late sublati naribus ignem  
Victor, luciferum spargere in orbe diem,

Ni catus ille senex animosum pectus alumni  
Formasset studijs sedulus ante bonis.  
Tu quoq; nunc Chirone fores tanta indole dignus,  
Dum tua uer ætas florida agit tenerum.  
Qui studijs generosum animum tibi formet honestis,  
Virtutis uerum qui tibi monstrat iter.  
Non tibi cum magno fuerit certamen Achille,  
Nec cor sollicitent facta aliena tuum.  
Aemulus inuicti genitoris enim, omnia in uno  
Cunctorum uinces tu decora alta ducum.

TYBUR AD MATTHEVM GY/  
bertum Episcopum Veronensem.

**H**erculeum Albunæ Tybur resonantis ad ædæ,  
Nuper Sauromano mi duce adire meo  
Contigit, umbrosos libuit quam uisere montes,  
Prataq; uerticibus subdita amœna suis.  
Horrificosque sonos, dum lapsa e rupibus altis  
Concaua saxa inter marinoarea unda fremit.  
Tunc menti subijt mortali maior imago,  
Aeternis qualem suspicor esse deis.  
Namq; hic Virgilium rupes mirata canentem,  
Terrea quæ fuerat, saxea tota modo est.  
Et Flaccus cytharam plectro dum pulsat eburno;  
Et cantu eximio sydera summa ferit,

Herbolas ripas, fecundi & fluminis alueum,  
In lapides duros obriguisse ferunt.  
Hæc quoq; Meccenas indulgit gaudia sacris  
Vatibus, & studijs otia grata bonis.  
Quæ desiderium lenire Aganipidos undæ  
Possent, huc doctas allicere atq; deas.  
Tempore Meccenas Tybur nostro omne superbum  
Gibertus placida sub ditione tenet.  
Hic quoq; diuitias, atq; otia grata poetis  
Largitur, priscum & rettulit omne decus.  
Non igitur mirum est, si certant uatibus illis,  
Carminaq; antiquis annumeranda canunt.  
Barbarus ipse etiam, rigidique Aquilonis ab oris  
Insolito uideor grandius ore loqui.

AD PAVLVM IOVIVM NOVO/  
comensem historicum.

**P**aule Ioui qui gesta canis Mauortia nostri  
Temporis, & multum nobile condis opus.  
Atque, ita sum felix, Liuji feliciter altum  
Dicendi effingis, æquiparasque genus.  
Nam quoties Martem duro ex adamante superbum  
Vestis, & ardentem fulmineumque facis,  
Et magnæ Italiæ fulgentia signa, aciesq;  
Efferat Gradius, te duce, in arma rapit,

Teutonicasq; aciēs, & magni Cæsaris arma  
Ignea sublimi ducis in astra sono,  
Hispanosq; feros animi, Gallosq; superbos,  
Atq; alios, quorum fortia facta canis,  
Machinaq; horribili sonitu dū concutit arces,  
Te duce, & in cœlum fumus it, atque fragor,  
Aeratas toties uideo pugnare cohortes,  
Ante oculos cædes, rem uideoq; geri.  
Sed tu, quæ inuidia est: tã longū in tēpus, & annos  
Cunctorum uotis scripta petita premis:  
Quæ tu quæso uirum tandem uolitare per ora,  
Et finito æterna posteritate frui.  
Tu tot Paule unus celebras per sæcula gentes,  
Vnum te cuncti Paule sed usque canent.

DE MOTIBVS BELLICIS IMPER.  
CAES, CAROLI ET FERDINAN  
DI PANNONIAE ET BO/  
HEMIAE REGIS.

AOnias quicumq; undas, fontisq; beato  
Castaliq; uates ore bibistis aquam.  
Queisq; ad hunc fuit licitum pede amœna secundo  
Antra deum, Aonios inq; Helicone choros.  
Et nemus umbriferum, semperq; uirentia prata,  
Iuncta ubi stat lauro myrtus odora suo.

Et florum genus omne, suisq; innexa corymbis  
Est edera, ut uestras implicet apta comas.  
Et loca, quæ Phœbo Musisq; habitata canoris,  
Sacraq; perpetuo uere nitere solent.  
Quorum, dum gracili modulantur carmina uoce,  
Concentu ualles insonuere cauæ.  
Frondeb; innixæ tremulis uolucresq; sonoræ  
Miratæ, cantus destituere suos.  
Fluminaq; ad fontes properantia mollibus undis,  
Ad sonitum fluctus composuere citos.  
Vos quibus ingenium diuinius altus Apollo  
Incitat, Aoniam datque mouere lyram.  
Et Musæ faciles, socio cum numine Phœbi  
Afflarunt uires, ingenijque decus.  
Insignes animæ, genitæ felicibus astris,  
Altius humano queis licet ore loqui.  
Nunc opus est grauiore sono, cantuque moueri,  
Largius Aonij nunc bibere amnis aquam.  
Nunc etenim oblata est ingens occasio uestris  
Ingenijs, magni nascitur oris opus.  
Certate ingenijs, feriant & sydera cantus  
Aurea, uicinum commoueantque Iouem.  
Aeratas in bella deus mouet ecce cohortes  
Cæsar, & horreni Martis in arma ruit.  
Excitusque hominum uotis, & numine diuum,  
Italiam optato tandem adit ille pede.

G

Quæ Gallos exosa truces, dominosq; superbos  
Eijcit, & tandem est Casare freta suo.  
Oppressumque armis decus, & uirtutis honores  
Vindicat, eque graui libera colla iugo.  
Galle superbe cades, meritas & perfide pœnas  
Iam dabis, & dignis accipere modis.  
Omnibus inuisus, toto es contemptus in orbe,  
Venit & a superis debita pœna tibi.  
Dum struis insidias, dum proditione, dolisq;  
Perfidiaque nocens regna aliena peris.  
Nunc tua, nunc iusto male regna tueris ab hoste,  
Et mandas timidæ terga inhonesta fugæ.  
Non solet insidijs, sed uincere Marte potenti  
Cæsar, & inuictis milite bella gerit.  
Fraus indigna uiris, est fortibus, ipsaq; turpem  
Perfidiam, & uirtus odit honesta dolos.  
Gallia Casareis uinci olim assuevit ab armis,  
Nunc quoq; fatali uincitur illa manu.  
Vincere consuevit germano milite cinctæ,  
Quæ modo Theutonico uicta sub hoste perit.  
Magna quidē, at dubiū est his nū maiora supersint  
Dicenda, his certe uel grauiora putem.  
Dum nouus Aeacides Fernandus Pannonius rex,  
Cui iuueni uirtus contigit ante diem,  
Irruit in Turcas, & sæui fulmine belli  
Proterit hostiles fortis ubiq; manus.

Omnis & incensa est furij Germania iustis,  
Cogit & armifonas in fera bella manus.  
Iam uideo sonitu armorum, & mugitibus æreis,  
Machina fulmineo dum quatit igne globos,  
Ipsū adeo in rapido stupefactum gurgite aquarū  
Istrum, & ceruleo mergere in anime caput.  
Qui modo sanguineis multo fluet amplior undis,  
Dum fera Turcarum corpora caesa uehet.  
An ne inter primos nitidis rex igneus armis  
Pugnat, cumq; fero conserit hoste manus?  
Vtq; noua uirtute puer quondam usus Iulus  
Pulcher Apollineo numine fortis erat,  
Perq; caput Remuli telum contecit acutum:  
Sic animi ingentis rex sacer orsa mouet.  
Gaudete Heroum manes, & Gracia felix  
Ingenijs, quondam Gracia Marte potens.  
Reddetur tibi libertas, reddentur honores  
Prisci, florebut & studia illa tua.  
Seruitioq; graui subduces libera colla,  
Hoc iuuenē inuicta bella gerente manu.  
Iamq; illi applaudet lætis uictoria pennis,  
Iam tibi deuictis ex hoste triumphus adest.  
Quin etiam Cæsar redimitus tempora lauro  
Insigni statuēt clara trophæa modo.  
Atq; animum Galli tumidum frenabit iniqui,  
Totum orbem imperio subijcietque suo.

Victricesq; aquilas super et Garamantas, & Indos  
Proferet, Herculeo moreque uictor erit.  
Hos motus animorū agitatur furialis Enyo,  
Horridaque illustres mittit in arma duces.  
At uos afflatus Phœbeo numine uates  
Egregij, hæc grauis tanta sonate modis.  
Ardua que æternis committite prælia libris,  
Æternum ut uolent clara per ora uirum.  
Coniunctosq; animis, fraterno & sanguine reges,  
Ignea sublimi ducite in astra sono.  
Ipse quidem uolui tantis me accingere rebus,  
At me tentantem debilitauit onus.  
Maximaq; audendi fuerat mihi certa uoluntas  
Fixa animo, atque alto fortius ore loqui.  
Cum me ducentem fortes in prælia turmas,  
Aurea purpureo risit ab ore Venus.  
Et puer intendit certum nimis improbus arcum,  
Spiculaq; in nostro pectore fixit amor.  
Atq; ait, hoc pacto profugi mea castra relinquunt,  
Viribus atque impar aggrediuntur opus.  
Hinc me destituit tumide furor alta sonantem  
Prælia, uixq; humili mouimus ora sono.  
Sit uoluisse satis, meruitque modestia laudem,  
Ingenij quod sum conscius ipse mei.  
Hoc mihi si tantū laudis tribuatur, abunde est,  
Docta cohors monitu si canet ista meo.

AD STANISLAVM TVRSO-  
NEM EPISCOPVM OLO-  
MVCENSEM.

**T**urso pater castæ exemplum pietatis, & alimæ  
Virtutis lumen, præcipuumq; decus.  
Cui sincera fides, bonitas, paxque aurea cordi  
Semper, & in studijs otia trita bonis.  
Religio imprimis, & prisca laudis honores,  
Et Musæ, & Charites, doctaq; corda uirum.  
Aurea quem decuit, tam sanctū, in sæcula quondā  
Incidere, aut uitam degere cœlicolum.  
Nec sub mortali talem te lege creari,  
Quando colit terras ferrea progenies.  
Illo te decuit nascentem in tempore diuos  
Inter, & heroas uiuere semideos.  
Sponte sua tellus quando omnis cuncta ferebat,  
E facili fundens cuncta inarata sinu.  
Nam tunc perpetui florebant ueris honores,  
Aurea pax, uirtus aurea, cana fides.  
Ast illi umbroso in nemore, aut ppe fluminis undā  
Qua uitreas blando murmure torquet aquas,  
Iucundos auium cantus, strepitumq; Fauoni,  
Dum teneros flores spargit in ora procax,  
Audire, & soliti fragrantis inter odores  
Cespitis in molli sternere membra thoro.

Quos inter uates, cecinit qui primus ab alto  
Ventura in terras numina, quiq; deum,  
Carmina sancta quidem, digitis cū uoce loquutus,  
Fatidico sanctus promit ab ore senex.  
Ah nimis ingrato sacrorum in tempore es ortus,  
Non hæc te talem talia sæcla decent.  
Nam quæ te indigno fortuna inimica dolori  
Obiicit, aut quæ nam tristia fata nimis?  
Talia ut inciderent, atq; in tua tempora monstra,  
Pernicies hominum, pestis & atra deum?  
Queis studiū innocuæ nullū est bonitatis & æqui,  
Omnia qui in terris perdita, uersa uolunt.  
Omnia sacra, profana malo permixta furore,  
Queis nec cura hominum, cura nec ulla dei.  
Sacra nouant, diræ genus impietatis, & audent  
Tinctum iterum in sacro tingere fonte caput,  
Damnantes decreta patrum, ritusque probandos,  
Sacraq; maiorum prodita & ore dei.  
Quin ipsum (horresco referens) detrudere cælo  
Nituntur casta cum genitrice deum.  
Numina iam terris sibi pulsa, & auerna sub alta  
Condita, & horrendi sub Phlegetontis aquas.  
Audiant hæc olim, uentura hæc audiat ætas,  
Et sceleri huic ullam possit habere fidem?  
Herculeo inuictaq; animo fera monstra sed arcēs,  
Vsq; renascentis defecat anguis opus,

Cudit & ignipotens Faber ignea tela, sagittas,  
Dum sacri eloquij fulmine, & igne, tonat.  
Titanasque Ioui æthereo fera bella mouentes  
Sternit ad ardentem usque Acherontis aquas.  
Vulcano melior Faber, hic tela omnibus unus  
Suggerit, hic idem cudit, & ipse ferit.  
Vtq; Ioui alta petens uolucrum regina ministrat  
Fulmen, & artificij tela parata manu.  
Taliter armipotens diuinæ inclusa pharetræ  
Turso tibi mittit fulmina certa Faber.  
Queis usi pariter, Turso fortissime, ubiq;  
Inuicta asseritis sacra, deosque manu.  
Macti ambo uirtute, ambo præstante labore,  
Quos diuum atq; hominū tam pia cura tenet.  
In terris homines uobis dent præmia digna,  
In cælo superi dent bona cuncta boni.

AD EVNDEM.

**A**Vreus ecce diem reuehit iam Lucifer almum,  
Qua uirgo æternum casta deum peperit.  
Iam modo magne puer, mundi melioris origo,  
Præsenti nobis numine dexter ades.  
Vtq; orbem a cœcæ præscum caligine noctis  
Eripuisti olim lumine conspicuo,

Sic modo seductum infandis erroribus istum  
Eripe de magna tu quoque pernicie.  
Nam quidam agnino ueniunt in uellere, at intus  
Raptores celant ueste tegente lupos.  
Hi sacrum ecce tuum prædantur ouile, seruntque  
Inter oues magni semina dissidij.  
Pastores tueare bonos, ouiumque magistros,  
Qui te sincero corde, animoque colunt.  
Tursonem ante alios, quo non studiosius ullum  
Solicitat castæ religionis amor.  
Huic uitam, huic & opes præsta, uiridemque senectam,  
Daque illi ut felix hic sacer annus eat.  
Atque illum uere si diligo pectore ab imo,  
Da contra ut sit amor mutuus inde mihi.  
Tu quoque natalis tanto celeberrime partu,  
Latior huic semper, candidiorque redi.

AD VRATISLAVIAM SILESIAE  
METROPOLIM.

**O**Dera ceruleo quam piscosissimus amne  
Alluit, alta sacris mœniaque ambit aquis,  
Et mediam irriguo quam flumine diuidit Ola,  
Hinc cursum domino finit in amne minor,  
Bresla potens, formosa, urbs iucundissima, amœna  
Virtutis pulchræ, Pieridumque domus,

Nympharumque parens o felicissima, nostræ  
Pulchrum ornamentum quæque nites patriæ.  
Atque deis, regiisque tuo gratissima sedes,  
Vna places cunctis, deliciasque facis.  
Nuper enim memini, et multum meminisse necesse est  
Te, ueluti matris filius e gremio  
Paruulus ille piæ, externas procul in regiones  
Dum rapitur, mœstus rex quoque deseruit.  
Rex sacer, & procerum insignes equitumque manipuli,  
Queis quæ iucundum te fuit alma frui,  
Tam durum caruisse modo est, tua dulcis imago  
Nunc etiam est oculos usque secuta meos.  
Dulce tui desiderium sic detinet omnes,  
Inque tuos cupiunt Bresla redire sinus.  
Hunc precor alma diem quam primam aurora beatam  
Afferat, et roseis lucifer altus equis.

IOANNI TURSONI.

**S**ollicita dum tu procul ambitione remota,  
Non ignaua tamen otia latus agis.  
Inque pius felix studiis, sanctoque labore  
Consumis uitæ flamina ducta tuæ.  
Littora tuta legens cautus, portumque tenendo,  
Cum liceat medio te dare uela mari.  
Nos Turso ingressi tumidis freta sæua procellis  
Sensimus insani numina dira maris.

Regum sollicitis quia dum iactamur in aulis,  
Heu mihi quam studijs uita inimica bonis,  
Naufragium medijs feci miserabile in undis,  
Et longe nimum, quem peto, portus abest.  
Incidimus saevi dudum in contagia morbi,  
Et mala pertulimus asperiora fide.  
Aurea iam renouat bis ter sua lumina Phoebe,  
Faetaque fraterno lucet ab igne dea.  
Non tamen ulla meum potuit medicina dolorem  
Tollere, plus docta nam ualet arte malum.  
Et licet hoc certa uitium medicabile cura est,  
Illud longa solet extenuare mora.  
Quicquid opum fuerat, morbus, medicique tulerunt,  
Pharmacaque, & uictus dura alimenta mei.  
Accedit nostris duris in rebus egestas  
Dura malis, omni sumque ego parte miser.  
Non eguissim equidem propius si degeret ille,  
Ille tuus frater Turso, paterque meus.  
Me, licet in patria degentem, haud subleuat ullus,  
Patria nam semper dura & iniqua mihi est.  
Nunc te per Geniumque tuum, fratresque benignos,  
Mansurumque precor tempus in omne genus.  
Ne patiare inopem saluo te ducere uitam  
Turso Logum, ueniat sic tibi triste nihil.  
In me munificus nanque ultro saepe fuisti,  
Cum fuerant uitae prospera fata mea.

H

Improba mutauit uultum fortuna, rogatus  
Nunc & opem nobis Turso benigne feras.

HADRIANO VOLF,  
HARDO.

Ingenij tanta est, blandae & tibi gratia linguae,  
Tanta tibi probitas, tantum Hadriane decus.  
Et sincera fides, animique modestia recti,  
Atque uerecundo largus in ore pudor.  
Ingenui & tibi frontis honos, & talis honesti,  
Qualis in Hyppoliti non erat ore decor.  
Et quicquid dicis, siue es quaecumque locutus,  
Ipsa mihi uisa est fundere uerba Charis.  
Num te uirginis tenerum nutriuit in ulnis,  
Seu tibi Musa parens, uel Charis una fuit?  
Et tibi Musa fuit genitrix, Charitesque pudicae  
Vbera nutrices larga dedere tibi.  
Inde fit, ut dicent faciles tibi carmina Musae,  
Atque elegos similes culte Tibulle tuis.  
Et quicquid dicis, siue es quaecumque locutus,  
In uerbis inde est gratia multa tuis.  
Cum tu Chaonijs sis mitior ergo columbis,  
Et cedat placidis moribus agna tibi,  
Dic tibi cur sauius tamen indidit Hadria nomen?  
Indomiti ne maris nomina ferre potes?

Hij

Hadria nam quanto est immitior omnibus undis,  
Ingenium tanto mitius ipse tenes.  
Non Hadrianus erit tibi nomen moribus impar,  
A Chari sed merito tu Chariteus eris.

PHILIPPO OBERMARIO.

QVæ mihi te primū iunxit mi chare Philippe,  
Hæc mihi sancta dies, festaq; semper erit.  
Quinetiam Musis urens benevolentia thura  
Sacrifica fundam nigra falerna manu.  
Castalij quæ te lauere in fluminis unda,  
Oscula quæ tenero blanda tulerè tibi.  
Namq; canis tenero non inferiora poetæ  
Carmina, cuius amor Delia culta fuit.  
Atq; etiam facili spacio propiore phalæco  
Vatem, quem torsit Lesbia, iam sequeris.  
Et fors quinq; neunt paræ fugientibus annis  
Nondum lustra tibi per sua fila deæ.  
Felix, o nimium felix, cui contigit annis  
Vix iuueni, priscis uatibus esse parem.  
Et tibi casta fides, & mens tibi conscia recti est,  
Ingenui mores, & sine labe pudor.  
Vincula amicitia solido ex adamante cathenis  
Aeternum uirtus nectere firma solet.  
Hæc mihi te iunxit, hæc conseruabit amicum,

Quem poterit a me soluere nulla dies.  
At tu, si ipse tuo uideor quoque dignus amore,  
Fac tibi de nobis mutuus adsit amor.

AD STANISLAVM TVRSO/  
NEM EPISCOPVM OLO/  
MVCENSEM.

TVrso meæ columen, pater, & spes certa Thalææ  
Et duce quo portum nostra carina tenet.  
Si queris mea cur male carmina scripta uacillent,  
Durior & solito cur mihi uersus eat.  
Obriguere gelu digiti scribentis, & ipsum  
Frigore concretum torpuit ingenium.  
Horridus ecce Aquilo syluas, lucosq; sonantes  
Concutit, & multum frigida sæuit hyems.  
Hirsutis alij uelati rite ferarum  
Exuujs, arcent frigora sæua hyemis.  
Ast ego ueste Italum tenui, quæ peruia uento est,  
Quem simulo, uellem dissimulare magis.  
Carmina scribuntur subito laudanda calore,  
At mea nunc gelidum frigora pectus habet.  
Inde etenim calidus uatum est tutela Lyæus,  
Et uinum est doctis uatibus acer equus.  
Hinc si me cupies laudabile pangere carmen,  
Da quibus indutus uestibus incalcem.

H ij

Quiq; agis, o Princeps, ne me ara aliena trucidet,  
Da quaeso immitti frigore ne peream.  
Tunc tibi bis uitam debebo maxime Princeps,  
Bis ero seruatus quando ope Turso tua.

### DE SE IPSO LOGVS.

**F**Allit me incautum bonitas mea, nec mihi seruat  
Quam spondet fallax portus & ipse fidem.  
Me uocat ille quidem placido saepe aequore in altum,  
Inq; sinus blando murmure saepe suos.  
Ingressum subito trepidis quatit ille procellis,  
Et uaga feruentis raprat in arua freti.  
Quam uarijs agitur mare tempestatibus ingens,  
Ventorum incubuit fauus ubi ille furor,  
Tam uarijs infida hominum mens anxia curis  
Fluctuat, & uentis non caret illa suis,  
Inuidiae rabie atq; notis agitata maligna.  
Atq; aliquam in terris quis putet esse fidem?  
Sunt tamen illustres animae, sinceraq; multum  
Pectora, sunt recti conscia corda sibi.  
Vix tamen apparet sex centum in millibus unus,  
Et me unum in paucis quid uetat esse tamen?  
An image conuersis studijs scelus omne mouendum est?  
Atq; doli, ingenua simplicitate procul?

Namq; nec ingenium, mihi non industria desit,  
Verfandiq; dolos sunt mihi mille uiae.  
Ne mihi tam ueniat, o diui, insana uoluntas,  
Vos, o uos tantum dii prohibete nefas.  
Decipiat, fallatq; alium quiuis precor ante,  
Me iuuet ingenuum semper, & esse bonum.

### IOANNES ROSINVS.

**P**erdiderat tenerum mater Cytherea leporem  
I puer, inquit, amor, tuq; Cupido simul.  
Præpetibus pennis totum percurrite mundum,  
Quærite si qua uagi fama leporis erit.  
Prodierant tersa nitidi modo fronte libelli,  
Hic certe, inquit amor, hic fugitiue lates.  
Audiunt ista lepos, penetrat simul illicet auras,  
Matris Acidaliae sistitur ante pedes.  
Arrisit mater, solito quod pulchrior illum  
Omniuoli ante Iouis constituit solium.  
Ambrosiae æterno puerum demulcet honore  
Iuppiter, et terras iste reuisat ait.  
Serua mortalis committiget anxiam uitam,  
Et lepidis curas temperet illecebris.  
Ni foret inuidiae mortali parta labore  
Gloria, iucundus mihi foret iste puer.

Parue lepos summi iussus ne remne tonantis,  
In terras iterum delitiose redi.  
Vade per Ausonias urbes, nomenq; latinum.  
Mortalemq; leues mitis amaritiem.  
Acceptus niveo quando candore placebis,  
Quod placeo, Logi debeo dic numeris.

AD FERDINANDVM PANNO-  
NIAE ET BOHEMIAE  
REGEM.  
ET PHILIPPO MARITIMO  
AD GABRIELEM  
COMITEM AB ORTENBURG.

Hunc tu iure tuo Gabriel tibi sume libellum,  
Ultima qui coepti meta laboris erit.  
Nam tua cum domini felix industria curas  
Alleuet, obsequijs, dexteritate, fide,  
Hunc quoq; ne pigeat tenuem te ferre laborem,  
Cum domino hos faciles ut tueare iocos.  
Vestra etenim argutosq; sales, dulcesq; lepores  
Non tantum agnoscit patria, sed peperit.  
Nobilis ingenijs tellus, & Marte superba,  
Claraq; magnorum mater Ibera ducum.  
Hunc ergo illepidum, incultum, insulsumq; libellū  
Ingenio Gabriel & sale tinge tuo.

AD FERDINANDVM PANNO-  
NIAE, ET BOHEMIAE  
REGEM.

**E**T Phoebi, Martisque diu neglecta iacebant,  
Nec studia his regnis huius, & huius erant.  
Cum ueluti ex alto iuuenis demissus olympo  
Vltro oblata sibi regia sceptrata tulit.  
Caesarea de stirpe genus, & sanguine regum,  
Heroumq; alto semine progenitus.  
Ergo iterum florent artes belliq; togæq;  
Aureaque his regnis sacula nata uides.  
Nempe suo similes populi regi esse laborant,  
Qui decus atque artes huius, & huius habet.

AD EVNDEM IN PANNONIAM  
cum exercitu profectum.

**C**Oelum etiam auspitijs tempestatesq; serena  
Rex inuicte tuis, syderaque alta fagent.  
Aurea nam renouat iam ter sua lumina Phoebe,  
Ex quo Pannoniae ditia in arua uenis.  
Flammiferum interea solem, qui temperat annū,  
Auricomum uidit condere nemo caput  
Nube sub obscura, aut imbre sue, niue sue cadenteis,  
Aestatem autumnus & facit ipse nouam.

40  
Scilicet ipse nouum cernens te effulgere sydus,  
Aemulaque inuidit sol decora illa tibi.  
Atque tuos certat radios superare, sed illos  
Tam uincis, lunæ uincit ut ille iubar.

AD EVNDEM, CVM EI DIADE-  
MA IMPONERETVR.

**N**Octe furit tota Boreas, pluuiaque, niuesq;  
Mane autem irradians sol nitet auric omus.  
Et fera tempestas, diro quæ uenit ab hoste,  
Rege sub hoc nobis tempora lata feret.

DE IOANNE ZAPOLIENSE AD  
Tockai arcem profligato.

**Q**uem modo percussum regnandi dira libido  
Per scelus, atque nefas turpiter extulerat,  
Prodidit hic regem nuper, regnumq; suosq;  
Omnia nanq; malis uerterat insidijs.  
In rabiem tædis furiarum ardentibus actus,  
Concipere ut posset fortius omne nefas,  
Contemptorq; deū, atq; hominū, pietatis, et æqui,  
Deseruit nuper, prodidit ante suos.  
Cum subito e medio belli certamine raptus  
In miserum aufugit semiuir exilium.

Tale dei est numen, tali scelera impia nutu  
Damnans, momento punire ille breui.  
Victor adest iusti iustus rex ecce triumphi,  
Huius honoratum laurea nocte caput.

IN IOANNEM ZAV  
POLIENSEM.

Perfidia, scelerisque sui, scelerisque suorum  
Præmia, Vaida nocens num diadema ferat:  
Coruinum ante pater regem decepit, opesque  
Auertit geminæ tum male Pannoniæ.  
Non satis una dies, si commemorare liberet,  
Peccarit quoties iste, quibusque modis.  
Deseruit regem nuper, regnumque, suosque  
Prodidit, ah certe perdidit iste latro.  
At tu hæc magne oculis diuū pater aspicias æquis:  
Iam nimium languent tela trifurca tua.  
Quid precor ah demens: quid em̄ pater ille deorū  
Perderet in uili fortia tela anima?  
Pellibus insutum (suus has auus ante parauit,  
Qui quondam hæc cerdo doctus ab arte fuit)  
Ut quæ dira olim damnatis cæde parentum  
Infandum ob facinus addita poena fuit,  
Perniciem patriæ, uenti, tumidæque procellæ,  
Per freta, per scopulos, & maria alta ferant.

IN EVNDEM.

PRædâ agere assuetus raptor lupus, & stabula  
Lustrorum, & solitus densum habitare nemus,  
Debita magnanimo inuasit fur regna leoni,  
Et pecus in prædam uerterat omne suam.  
Indignum ob facinus generosa percitus ira  
Obuia magnanimus cui tulit arma leo,  
Bis, terque hostili numero maiore luporum.  
Ipse deus iustis fauit & alma Themis.  
At non ipse sui, solitæ est oblitus & arris,  
Sed celer in syluas fugit & antra lupus.  
Turpe putas factū, turpis fuga scæda leoni est,  
Ista lupi est uirtus, quod rapit, atque fugit.

DE IMPERATORE CAESARE  
CAROLO AVGVSTO.

CVM foret ingenio, cū magnus Cæsar in armis  
Ingenium Musæ, Mars daret arma pater,  
Contendisse diu fama est duo numina ob unum,  
Vnde uiro maior gloria nata foret.  
Cū subito arrepta grauis affuit aegide Pallas,  
Imposuitque eius laurea ferta comis.  
Atque ait, arma ingens Cæsar mihi debet, & arteis,  
Quod fuit amborum Pallas ego una dedi.

STANISLAO TURSO,  
NI EPISCOPO OLO/  
MVCENSI.

**A**Gnosco soliti tua Turso, animiq; paterni  
Offitia, o uitæ portus, & aura mea.  
Munera non sat erat, ramum fulgentis & auri  
Absenti dulcem mittere in Italiam,  
Nunc quoq; ni reducē donis, & honoribus ornēs,  
Atq; opus ex omni parte tuum polias.  
Quæ nam digna tuis meritis, ego dona repēdam?  
Sed quis habet meritis munera digna tuis?  
Vos mihi, uos saltē teneris musæ inclyta ab annis.  
Aeternum & studijs numina culta meis,  
Vos mecū hunc gratæ cantu celebrate superbo,  
Illius ut feriat sydera summa decus.  
Hoc olim ipse adeo gemina uirtute meretur,  
Vos colit, aq; alijs uos facit ille coli.

AD EVNDEM.

**V**estitum breuiter, longo tamē ense recinctum  
Pars Italum, Hispanū hic, ille alium esse putat,  
Hæc tamē una animo fixa est sententia cunctis,  
Militia ex aliqua me rediisse modo.  
Palladis e castris doctæ reducem esse fatenti,  
Militiam hanc cultus non decet iste bene.

Vestitu ut referam studiū pater optime quæso,  
Et longam sagulis adde togam breuibus.  
Nec male conueniet diuæ armipotentis alumno  
Interior Martis, pacis at exterior  
Cultus, & ipsa olim forsan dabit alma uirago,  
Vtilis ut bello sim, pariterquē togæ.

AD ALEXIVM TVR/  
SONEM.

**M**E quoties fortuna graui meæ turbine uersat,  
Aspera quæ nimis est, & mihi iniqua diu,  
Tursonum in portus, & diuersoria nota  
Rite fugam, & soleo tunc ego uela dare.  
Illi autem, qua sunt bonitate, & mente benigna,  
Naufragum, & eiectum molliter usque fouent.  
Munificaq; manu, gratis & honoribus augent,  
Meq; opus ex omni parte suum poliunt.  
Inter eos certo tu non sine numine Alexi  
Egregium nomen auxiliantis habes.  
Nempe quod auxilium præsens doctisq; bonisq;  
Ferre soles opibus, præsidioque pio,  
Hinc merito grati diuini uno ore poetæ  
Laudibus extollunt teq; tuamque domum.  
Ipse ego quo possum, sed munere fungor inani,  
Nam nimis est tenui noster in ore sonus.

AD IOANNEM HOFMAN  
QVAESTOREM  
REGIVM.

**Q**uod regi es charus, tanto quod amore uicissim  
Ipse tuum regem Iane, fideque colis,  
Hoc tua promerita est bonitas, industria, pectus  
Consilijs factum pectus, & ingenium.  
Magnanimi & quis non uirtutem regis adoret?  
Ereptum terris quæ super astra leuat.  
At quod præcipuo te rex amat æquus amore,  
Præcipua regem quod pietate colis.  
Prætori ex sese geniti uoluere Quirites  
Quæstorem prisca nempè quod esse loco.  
Prætozem & ueluti sancta pietate parentem  
Ut coleret quæstor, nam quia moris erat.  
Custodem ararum quoniam te constituit rex,  
Quod mira officium sedulitate facis,  
Egregium hunc morè, quædo hæc cõcordia, uterq;  
Non tantum præstat, sed magis exuperat.

AD EVNDEM.

**A**n te alios meminisse nuper mihi Iane fauebas,  
Et longe ante alios tu mihi charus eras.  
Nunc quoque mens eadem maneat tibi chare precamur,  
Ante alios semper nam mihi charus eris.

Sed cum non alio possum illum munere amorem  
Exprimere, aut alio quolibet officio.  
Qualicumque quidem hunc refero tibi carmine, Musa  
Inque tuas laudes officiosa mea est.  
Qualiaque a miseris donantur munera, grate  
Offerimus icti iam modo sorte graui.  
Munera parua quidem fateor, sed mente benigna  
Hæc ego quæ potui, tu quoque quæ poteris.

IN FONTEIS QVOS IN RVRE  
paterno purgandos curauit.

**O** Gelidi fontes uitreæ qui uoluitis undæ  
Flumina, & hosce locos tingitis amne nouo.  
Vos ego, cum ripas limosa insisteret ulua,  
Nec tenuit cursum lymphæ morata suum,  
Atque informe lutum tenui foret altius alueo,  
Purgauit, ut faciles nunc uehat amnis aquas.  
Atque pius patrijs aruis, quæ flumine leni  
Alluitis, lætam restitui segetem.  
At uos pro meritis grati pietatis honoræ,  
Fertile perpetuo fonte rigate solum.

IN FONTEM BONONIENSEM.

**Q**uæ blando erumpunt strepitu sub motis amœni  
Vertice, & e gelido fonte feruntur aquæ.

Neglectæ nuper, nulloque in honore manebant,  
At nunc delitiæ sunt domini & populi.  
Nanq; loci captus princeps Aueroldus amore  
Augustum hoc illis addidit omne decus.  
Vtq; olim Aegeriæ lucos, fonteisq; sonanteis  
Antiquum fama est sæpe adisse Numam  
Monte sub aerio: sic ille sonantia lymphis  
Antra adit, atq; colit numina sancta loci.  
Inde e colloquio nymphæ, diuumque reuersus  
Sancta suis dicit iura sacer populis.

POMPEIO A COLUMMA  
CARDINALI

**I**Mperij columen solido ex adamante Columna,  
Namque immota tuis sedibus una manes.  
Procubuere aliæ late, stragemque dedere,  
In te quod superest omne recumbit onus.  
In te fulua Iouis, si quando est fessa, quiescit,  
Et firmam sedem nobilis ales habet.  
Excipit hanc alte insistens uasta ægide Pallas,  
Aeternum a uestra quæ dea culta domo est.  
Ingenij armorūq; decus dea, quæ decus omne  
Vna dedit uestræ, quæq; dabit domui.  
Viue Columna potens, quam nulla euertere possit  
Vis mala, non si te Iuppiter ipse petat.

Abstulit huic fulmen uolucrū regina, & in hostem  
Ex alto uictrix fulminat illa tuum.

CARDINALI FERNESIO.

**A**N ne etiā hoc ausi sumus: at certe sumus ausi  
Censuram princeps docte subire tuam.  
Ingenij teneros foetus mea rustica Musa  
Non uerita est nuper dum recitare tibi.  
Hoc erat insuaues ululas, atque anserem olore  
Iudice sub niueo perstreperere ore rudi.  
Sed bene habet, sumus elapsi atq; fefellimus, aures  
Sed tam purgatas fallere quis potuit?  
Non ego, non quisquā, pietas te sancta fefellit,  
Dum secum apta sibi dignaq; uerba trahit.  
Quæ mea sunt inculta uides, tibi at ista uidentur,  
Dum pia, sint quāuis non bene culta, bona.

CARDINALI CIBO.

**S**Vnt equidem, sunt fata, deū stat certa uolūtas,  
Lucida habent uires sydera & ipsa suas.  
Nam quoties princeps, cū te tua Felsina haberet,  
Felsina delitijs conscia docta meis,  
Ipse meas supplex Musas Phœbumq; rogauit,  
Ut mihi conanti teq; tuamq; domum,  
Ardua sublimi ferre usque ad sydera cantu,  
Præsenti faciles numine adesse uelint?

Cū subito ante alios pulchra, & doctissima nobis  
Calliope sacro rettulit ore dea.

Non hac fata sinunt iuuenis te dicere in urbe  
Virtutem egregij principis, atque decus.

Tu magna Heroes melius celebrabis in urbe,  
Non capit exiguus nomina tanta locus.

Magnā urbē attigimus, sed me mea fata gubernāt  
Et celer ad patrios cogor abire lares.

Felicem at reditum speramus, & omnia laeta  
Quam primum, & studijs otia grata meis.

Pauca tui memor hæc subito pro tempore dixi,  
Quæ potui, sed non dicere que uolui.

IOANNI MATTHEO GIBERTO  
EPISCOPO VERONENSI.

Herboso nup̄er Benaci in margine amœni  
Roscida sollicito contigeram antra pede.

Alme pater dixi, iuuenis nunc numine dextro  
Cœpta iuues quaeso, grandiaq; orsa tui.

Giberti in laudes ducuntur carmina, nunquid  
Auribus agnoscis nomina grata tuis?

Sic ego, cum subito emergens spumantibus undis  
Ista mihi sacro rettulit ore deus.

Quid facis o iuuenis, maioraq; uiribus audes,  
Ten melius Bembo dicere posse putas?

Attamen ille etiã hoc tremuit sub pondere, quãuis  
Spirarent faciles in sua uota dea.  
Sat tibi sit tacitum uenerari hæc nomina, laudem,  
Quam petis, hac sola conditione feres.

IN SOCRATIS EFFIGIEM ACHA  
ti insculptam natiuis coloribus.

Diuini effigiem senis o quæ gemma uerendam  
Aurea habes, rari quæq; decoris opus.

Sic longū durent solida hæc tibi gaudia in æuum,  
Ora tui ut spirent inuiolata senis.

Quæ manus hos potuit tā docta effingere uultus?  
Dic mihi, nã uisa es dicere uelle aliquid.

Nil certi norunt homines, tenebræ omnia celant,  
An ne oculos fallūt tam quoq; aperta hominū?

Quæ, nisi naturæ potuit uis certa potentis  
Hæc mea tam miris exprimere ora modis?

Nonne uides caput omne nitor qui lacteus ambit,  
Ille animi e puris fontibus exoritur.

Igne uis animi faciem rapido igne colorat,  
Et candor uestem, cæsariemque notat.

Ingenij ille sui effigiem tibi donat habendam  
Qui dedit, exemplum quodq; imiteris habes.

At tu ter felix iuuenis, quem munere dignum  
Tam claro princeps maximus esse putat.

K

ALIVD IN EANDEM  
EFFIGIEM.

**N**E dubita, uiua est facies quā conspicis: atqui  
Non loquitur, uocis atque sibi usus abest.  
Inuidisse deos operi, artificisq; potenti  
Ingenio noris, nec uoluisse pati  
Humana effigiem uiuam procedere ab arte,  
Vtq; uides collum surripuere operi.  
Dicenti similis gemma in spirante mouetur  
Illa quidem, uocis sed sibi adempta uia est.

NICOLAO A SCHONBERG  
ARCHIEPISCOPO  
CAMPANO.

**M**E mea fata trahūt princeps, dulcesq; necesse ( est  
Me magnæ Italiae linqere delitias.  
Hoc quoq; fortunæ licuit, dū me improba egestas  
Musarū placidis abstrahit a studijs.  
Sed me quāprimū reducem pia Roma uidebit,  
Et mea forsan erit res meliore loco.  
Tunc melius princeps nostris cantabere Musis,  
Ingeniumq; tibi seruiet omne meum.  
Viue memor nostri interea pater optime, & istud  
Exiguum nostri pignus amoris habe.

Te dulci in patria absentis nō inmemor unquam  
Sole oriente canam, sole cadente canam.

PAVLO STRIGONIENSI  
ARCHIEPISCOPO.

**C**VM tua te uirtus, diuisque, & rege fauente,  
Inter pontifices altius extulerit.  
Quæq; prius docto Zalcani in uertice fulsit,  
Illa tuum exornet infula sancta caput.  
Quam bene dispensant meritis sua munera diui,  
Succedis digno quam bene Paule uiro.  
Ille erat ingenio, nulli aut uirtute secundus,  
Eloquio huic nullus, consilioque prior.  
Hæc quoq; Paule tuæ sunt alta insignia laudis,  
Tu decora illius, illaq; & illa tenes.  
Ille sacer Phœbi, & Musarū erat ille sacerdos,  
Curaq; erant uates, delitiæq; suæ.  
Quos & diuitijs, claris & honoribus auxit,  
Quos coluit sancti numinis ille loco.  
Ursinum ante alios, Ursini nobile carmen,  
Ingeniumq; uiro numinis instar erat.  
Te cytharæ, cantusque iuuant, te carmina, nempe  
Sacra suum a Musis Musica nomen habet.  
Quam tamen hic uixit, uiuas meliore precamur  
Fortuna, Pili tempore uiue senis.

IOANNI FABRO.

**D**oste Faber multū pietas quem sancta, diuq;  
Sollicitū, & Christi religio alma tenet,  
Tu licet usque uigil tua pastor ouilia serues,  
Dum sacro errantes nectare pascis oues.  
Raptores te te usq; lupi rabido ore lacesunt,  
Atq; uago rapiunt de grege semper oues.  
Tu modo fac perstes Christo duce: nāq; pphanos  
Malleus ingenij conteret ille tui.  
Ille pñ regis diuino numine pectus  
Securum illustrans te iubet esse metus.  
Sit res magna licet, sit duri plena laboris,  
Aspera uirtutis nam solet esse uia.  
Illius auspicio, tantaque sub ægide tutus,  
Herculeis uinces impia monstra modis.  
Digna quidē a superis te expectant mūera, ab illis  
Ferre solet magnus præmia magna labor.

ANTONIO MENDOSSAE.

**M**agnanimo quoniam regi cū te duce primū  
Cognitus, & fuerim conciliatus ego,  
Auspice te Mendossa, trahunt ea fila sorores,  
Iam tandem & uotis annuat ille meis.  
Sic precor eueniat tibi debita & æqua roganti,  
Ut nunquam fiant irrita uota tua.

GVILIELMO A TRVCK,  
SES MAGISTRO  
EQVITVM.

**P**Acis, & armorū præses cū Pallas honore  
Te gemino illustret, cūq; suo alma Themis.  
Quā bene cōueniūt studia hæc cū moribus æquis  
Magnanimi regis, & Guilielme tua.  
Scilicet ingenioq; potens, atq; inclyta in armis  
Vtriq; hoc geminum dat dea & una decus.  
Iustitiam alma Themis, tu cōsultissimus æqui es,  
Iustitiam ante alios rex quoq; iustus amat.  
Res igitur magnæ te consultore geruntur,  
Et tua ceu Phœbi consilia alta ualent.  
Sic olim magno Phœnix comes ibat alumno,  
Atque domi, inq; fero Marte fidele caput.  
Bellandi egregius Phœnix fandi que magister,  
Ore, animo, ingenio, uiribus, arte, manu.  
Magnanimo hūc p̄stas iuueni, qui te duce Achillis,  
Martis & ingenij uincit honore decus.

GEORGIO LOXANO  
AFFINI SVO.

**L**oxane in studijs Musarum dulcibus olim  
Versantem, & magnæ dulcibus Italiæ

K iij

Delitijs, quarū fueras non ultimus author  
Tu mihi, quod gratē nos meminisse decet.  
Iuisti sumptuque bonus, studioque fideli,  
Fauistiq; meo iugiter ingenio.  
Conditio mutata mea est, nanq; horrida ab oris  
Italiae, & Musis tempora me retrahunt.  
Vitaque sollicita in regum mihi degitur aula  
Arma inter duræ sæuaque militiae.  
His studijs quæsitus honos & gloria multis,  
Atque meis, nec nos degenerare decet.  
Mortuus est sonipes melior mihi nuper, in eius  
Ut Loxane locum des mihi quæso alium.  
Vndiq; ut agnosca tua facta benigna, quod in me  
Officia extabunt Marte, togaque tua.

AD VENCESLAVM VILARTIVM.

Natalem celebrat dum Venceslaus, adeste  
O socij, & lætum concelebrate diem.  
Ipse ego non adero, defit quia culta puella  
His epulis, dulce est nil sine amore mihi.

AD CAROLVM CAESAREM  
AVGVSTVM.

Ivre nouus Cæsar tibi maxime panditur orbis,  
Inferior meritis nanque erat iste tuis.

DE EODEM.

Cæsaris innectens uiridi dea tempora lauru  
Gradiuo & Musis Cæsia Pallas ait.  
Scilicet ingenij, facundæ & præmia linguæ  
Victrices lauri, fortium & esse solent.  
Cæsar in his æqua sed enim quia laude triūphat,  
Quæ meruit geminæ præmia laudis habet.

AD REGEM FERDI-  
NANDVM.

Tv graue seruitium Rex o fortissime regum  
Europæ atque Asiæ finibus enjcies.

AD EVNDEM.

Omnia fausta cano, duce te fortissime regum  
Europæ dominus Turca Asiæq; cadet.

AD EVNDEM.

Phebus ut est oculus cæli omnipotētis, & orbis  
Conspicuum lumen, præcipuumque decus.  
Sic terris quibus imperitat rex inclytus ipse  
Pulchrum ornamentum est, conspicuūq; iubar.

Hoc quoque per similes, sol quod duodena per astra  
Vno anno cursum conficit ipse suum.  
Vno, & eodem anno, postquam data regna capessit,  
Hic ubi larga ferox iugera Barmus arat,  
Pannoniam immanis auersam fraude tyranni  
Victrici asseruit sub sua iura manu.

AD STANISLAVM TURSO/  
nem Episcopum Olomucensem.

IN sua iam rediit uestigia mobilis annus,  
Trudit & una altam lux fugitiua diem.  
Tempus & ante uolat rapidis perneciter alis,  
Et uix momentum est, quae data uita homini.  
Ante annum, memini, tecum quoque Turso manebam,  
Dimidium uitae Turso, decusque meae.  
Et modo, nescio quae, tibi me bona fata reducant,  
Quod precor ut faustum sit mihi, sitque tibi.  
Tunc ego musarum cultor, & Apollinis almi,  
Horrida nunc saxi Martis in arma feror.  
Vita prior musis, lucernae, & nota Lyao,  
Heu quantum Scythica dissidet a pharetra.  
Sed sic fata uolunt, fortem tolerare iubebo  
Hoc animum, forteis Marsque Venusque iuuat.  
Viue, uale interea longa dignissime uita  
Turso pater, & sint candida fata tua.

AD IACOBVM EPISCOPVM  
WRATISLAVIENSEM.

AN profint, noceatue magis tua mueria princeps  
Quae mihi sponte tua mittere grata soles,  
Nondum constitui satis, & te iudice quero.  
Cur dubitem causas accipe utrinque suas.  
Nanque mihi lepores, turdos dum mittis edules,  
Perdicesque, auidos in mea damna cibos.  
Quis tam sit fatui quae so, miserique palati,  
Quem non ista iuuent: me quoque & ista iuuat.  
Restituuntque agro uires, releuantque iacentem.  
Nunc audi qua me ledere parte queant.  
Aegrotare diu cupio, dum talia mittis,  
Et mihi lenta meae cura salutis adest.  
Priscus in hoc mecum sensisset Apitius olim,  
Tu quoque cum socijs docte Epicure tuis.  
Non tamen iccirco mihi talia mittere cesses,  
Sed quae das agro, des quoque cum ualeo.

AD NICOLAVM GERENDI EPI/  
SCOPVM ALBENSEM.

TE ne magis, regem an potius iustum, atque benignum  
Laudibus in caelum docte Gerendi feram?  
Virtute eximia meruisti dignus honorem,  
Doctrina, ingenio, dexteritate, fide.

Virtuti eximia tribuit rex iustus honorem;  
Datque tuū ut cingat infula sancta caput.  
Et laude est rex dignus, & ipse, & quisq; honores  
Largitur dignis, quiq; meretur eos.

AD IACOBVM SADOLETVM.

**F**ama ingens late immensum tua fusa per orbē  
Mi fuerat laudis nuncia prima tuā.  
Vicerunt famam ingenij monumenta sed omnem  
Et Musæ, o felix quas Sadolete colis.  
Nunc etiā o mihi fausta dies, & sydus amicum,  
Præsentem præsens alloquor, & uideo.  
Et mores uere sanctos, uultumq; benignum  
Miror, & ingenij flumina magna tui.  
Omnia cum cedant famæ, tu uincere famam  
Siue adsis, uel abes o Sadolete potes.

AD PAVLVM IOVIVM.

**Q**vando erit illa dies magna discedere ab urbe  
Iam tandem ut possim, dic mihi Paule Ioui.  
Promittis large, cupidum at spe ludis inani  
Hactenus, hoc liceat dicere pace tua.  
Non me equidem magnæ cœperūt rædia Romæ,  
Deq; tua fixa est spes mihi certa fide.

50  
Aeneadū quid enī in terris iucundius urbe est?  
Quid possit Iouij certius esse fides?  
Discedo ut redeā, reditus mihi causa abeundi est,  
Est mora longa nimis, est mora dura mihi.

IN EFFIGIEM P. BEMBI.

**E**ffigiem Alfonso Bembi sic duxit in ære,  
Tam similis non sit Bembus ut ipse sibi.  
Eloquium magni Bembus Ciceronis & ipse  
Aemulus eloquio rettulit ante pari.  
Felix amborū est industria, gloria quamuis  
Altior ingenium est reddere, quam effigiem.

PETRO MELLINO.

**H**oc quoq; Sauromano acceptū referemus  
Hoc meritū in primis debet habere locum.  
Inter tot proceres, & nomina magna uirorum  
Hunc & Mellinum conciliasse mihi.  
Mellinum egregium Romæ decus, atque dearū  
Quæ gelidos fontes, & loca amœna colunt.  
Aoniumq; nēmus, quas tanto larga poetæ  
Vbera nutrices exhibuisse ferunt.  
Inde etiam antiquis certāt tua carmina, & inde  
Miramur faciles in tua scripta deas.

Quæ tu nè inuideas nobis Melline rogamus,  
Adq; deas rectum dic mihi quod sit iter.  
Mi tecum liceat montes ut adire remotos,  
Et multam optato fonte leuare sitim.  
Sic tandem æqua tuis faueat Venus aurea uotis,  
Et te formosa mox dea prole beet.

#### DE VRBE VENETA.

**I**MPLICITUM æquorea specula de nubis aquosa  
Iuno Iouem nuper uidit amore dea.  
Et simul Hadriacis Venetâ alte in fluctibus urbē  
Conspexit domiti frena tenere maris.  
Mota dolore dea est, urbemq; & ditia regna  
Dum stupet, hæc regnis sunt potiora meis,  
Atq; ait, o charo licuit si nubere fratri,  
Et Neptune meus tu quoq; frater eras.

#### ALIVD IN VRBEM VENETAM.

**A**VREA ab oceano remeanti in templa deorum  
Iuno Ioui nuper iuncta erat alma suo.  
Tunc late medijs dominantem in fluctibus urbē  
Mirata, hæc tenui secum ait illa sono.  
Si licuit fratris uetitum ascendisse cubile,  
Atque ego Neptuni sum pater alme soror.

#### MARTINO KECHETINO EPISCOPI AGRISIENSIS NEPOTI.

**P**ERFECTUM fore dixit opus, omniquè rotundum  
Parte, Anyti quondam non reus ille reus,  
Ex animo cum quis cœpisset uelle, bonæq;  
Virtutis cupidum quem retineret amor.  
At tu cum longas studijs, pulchroq; labori  
Des simul & noctes, & Kechetine dies.  
Aoniumq; ingressus iter per amœna uireta  
Aonidum ardentes tam bene flectis equos.  
Cumq; tibi princepsq; chori, duxq; ipse sororum  
Tam faueat Phœbus, tam faueantq; deæ.  
Quæ tibi Vernerum in dulci & uernante iuuenta  
Certum ad sacra sua constituere ducem.  
Vernerum ingenio, & tã cultis moribus, illum ut  
Et Phœbum & Charites olim aluisse putem.  
Cui non optima de te spes concepta maneret:  
Quis non perfectum te fore cernat opus?  
Quis non illustrare genus patriamq; putabit  
Te Kechetine tuam, te Kechetine tuum?  
Ante diem hinc merito tanto es dignatus honore,  
Teque anus in cœlū post modo fama feret.

L

DE RVRE IOANNIS FELESINI  
Bononiensis, cui Ceredolæ nomen.

**S**irius arenteis cum finderet igneus agros,  
Et pluuiam supplex posceret herba louem.  
Iucundo hospitio Felesini exceptus amici,  
Quo nemo in terris dulcior esse potest.  
Hic Logus Aonidum cultor uiridante sub umbra  
Captabam frigus mobilis aura tuum.  
Delitiasque inter uiuebam ruris amœni,  
Ipsa suum nomen cui dedit alma Ceres.  
Nanque hic præcipue flauis exultat aristis,  
Et spicis implet horrea lata suis.  
Fœcundæ Cereri pater ipse Lyæus honorem  
Hunc habuit, quamuis floreat hic melius.  
Ipse meū in dominū, inq; locū, ut testarer amorē,  
Hoc ruri carmen & cecini domino.

AD NYMPHAM RHENI  
BONONIENSIS.

**N**ympha sacri fontis custos, quæ flumie in isto  
Casta habitas, castis & tua lympha patet.  
Incolumem serues quæso mihi diua puellam,  
Laura tuis quando nostra lauatur aquis.  
Fluminis atque tui uitreis dea lucet in undis,  
Et niueum nitido corpore uincit ebur.

Sic tua p̄petuos gignant tibi littora florēs,  
Atque tuum æternis flumen abundet aquis.

AD BONAM MARIAM SAR-  
MATIAE REGINAM.

**M**agnanimi coniux Marie pulcherrima regis,  
Vsq; adeo Scythicū quem timet omne genus.  
Sarmata quæ fortis dominū uocat, atq; parentem,  
Præsentem in terris quem putat esse deum.  
Mortales certe ingenio, formæque decore  
Sydereo uincis. Quæ dea missa polo es?  
Num Venus es? certe Veneris lasciuia figura est,  
At pudor est tenero castus in ore tibi.  
Num Pallas? saeva horrificā quatit ægida Pallas,  
Tu formam placidis moribus æquiparas.  
An ne es Iuno potens? Iras exercuit olim  
Addita semideis Iuno superba graues.  
O quam te memorem regina deumue, hominūue,  
In te unam quando confluit omne decus?  
Queis Venus, & Iuno, queis Pallas nanq; nitebat  
Corporis, atque animi dotibus, una nites.

AD AMICVM.

**N**on māgnus, fateor, tecum fuit usus amici  
Ante mihi, & primos ultimus inter eras.

At nunc præcipui præstas quod munus amici  
Atque ultro in dubijs fers mihi rebus opem,  
Non tam dona mihi tua sunt, quam grata uoluntas,  
Et tam sinceri pectoris officium.  
Quiq; mihi in primis fueras postremus amicis,  
Nunc merito in primis, tu mihi primus eris.

AD HELENEN MANTVANAM.

**M**Artia qua immenso late patet aræa campo,  
Et Mausolæi uasta ruina iacet.  
Pulchrâ Helenen uidi uincensera sidera uultu,  
Et fronte, atque oculis, purpureisq; genis.  
Mars pater ipsa tuos quando Venus aurea cæpos  
Incolit, hanc sine te dic mihi cur uideo?  
At tu seu Hispani fortes, Germaniaue ingens  
Te retinet, magnus seu modo Cæsar habet.  
Huc tãdem properes, quid eni tua uota moratur?  
Nam tuus hic paulo post quoq; Cæsar erit.

AD VENTOS IN ARCE STANISLAI  
Tursonis Episc. Olomucen.

**I**mmites uenti tanto quid turbine in arcem  
Impositam aeris montibus irruitis?  
Non hic Tyrrhenum Iunoni inimica fatigat  
Gens mare, Neptunus nõ Ithacum insequitur.

Sed sacer heroesque inter mitissimus omnes  
Turso habitat, mites ledere uos ne iuuat?  
At si tanta animo est uestro sauire libido,  
Et uos Hippotades si iubet ista pater.  
Gens inimica bonis, & Christi legibus almis  
Ionium innumera nunc tegit omne rate.  
Sumite uim uenti, pelagoq; immergite puppès,  
Quid iuuat immeritis arcibus esse graues?

AD VICTOREM GAMP.  
IVRECONSULTVM.

**T**anta tua est bonitas, tã pulchra modestia <sup>(Ctor</sup> Vi  
Tam sincera fides, candida tamq; anima.  
Sanctarũ ante alios legum doctissime Victor  
Tamq; pio studio iusq; piũque colis.  
Nec statuisse tibi mos est, sed tollere lites,  
Maior enim est æqui, quam tibi iuris amor.  
Hæc olim Serui fuerat, hæc inclyta Pauli,  
Laus hæc Galle tua, Sceuola docte tua.  
Ut te unum cunctis deceat præscribere leges,  
Debeat ut nullus ponere iura tibi.  
Omnibus idem animus talem si ducere uitam,  
Siq; tui similes moribus esse uelint  
Condere nil sit opus tã uasta uolumina legum,  
Cuiq; sui mores condere iura queant.

MATTHIAE AVCTO MEDICO.

**Q**uod tecum medico, mihi poetæ,  
 Qualicunque quidem, tamen poetæ,  
 Felici medico Aucte, & erudito  
 Pulchre conueniat, quod usque, & usque  
 Mutuis animis amamus, illo  
 Quem nullum perimat calore tempus,  
 Festiuissime, mi que dulcis Aucte.  
 Docti numen habent suum poetæ,  
 Magni numen Apollinis poetæ,  
 Et Phœbus quoque filiusque Phœbi  
 Coluntur medicis simul peritis.  
 Hæc me conciliant tibi, mihi te,  
 Hæc communia sacra, diq; ñdem,  
 Et morum tua grata candidorum  
 Meretur series bonorum amorem,  
 Omni qui uigeat perennis auro,  
 Vatum dum fuerit pater bonorum,  
 Et numen medicis simul peritis  
 Phœbus, o bone, filiusque Phœbi.

IN PICTVRAM SPEI, HADRIANÆ  
 NI VILHARCII.

**V**T uotis potiare tuis, spes dulcis inani  
 Ne spetie illudat ceu leuis umbra tibi

Quod liceat sperare uelis, spes semper ameno  
 Nec tibi quod uultu est, crede fidelis erit.  
 Spes ridet curas hominū, & nimis anxia uota,  
 Arridet, si quis quæ licuere, cupit.

ALIVD.

**I**am mihi quæ curis hominū dea gaudia misces  
 Spes bona ( nanq; potes ) iam meliorq; ueni.  
 Umbra prius fueras, nō iā umbra es, uiuida imago  
 Ex umbra artificis sed modo facta manu.  
 Olim animo, nūc te manibus cōprehendere fas est  
 Inuitam possem cogere si libeat.  
 Parce dea, imprudens certe tua numina lesi,  
 Ipsa oculos sed non lusit imago manum.  
 Cum uideo nō umbra mihi, sed uiua repente es  
 Visa mihi, sed te cum tetigi umbra mera es.  
 Et semper fallis, simul & dum corpus & umbra es  
 Esse adeo an nunquam nō leuis umbra potes?

AD EVNDEM.

**O** Charos Hadriane inter mihi primæ sodales  
 Dimidium quando es pectoris ipse mei.  
 Quæ dubijs quæ nam oro petam solatia rebus,  
 Et ferat afflicto quod mihi numen opem?

Atque equidem nostri es tu conscius ipse doloris,  
Quantū alias nūquā fors modo acerba mea est.  
Consiliū at potius a quo spemq; æquius optem:  
Quam cuius uoluit spes colere alma domum.  
Quæ meritis ut digna tuis tibi premia præsens  
Spondeat, ipsa tuos diua lares adht.  
Sollicito & quisquā melius mihi consulat alter,  
Quam qui iura hominū nouerit atque deum:  
Pierisq; immista deis ad quem aurea uirgo  
Astrea, in terras lapsa polo redht.  
Hinc nos consiliumq;, & opem in te ponimus uno  
Hæc tua pollicita est spes rata uota mihi.

VOTVM AD SPEM  
HADRIANI.

Si mihi propositum dederis contingere uotum  
O dea quæq; homines alma fouesque deos,  
Tursonum ut nomen dignis bene laudibus ornem  
Magnorum, usque tuo numine uectus ego,  
Non modo flore tuam fertisue ornabo tabellam,  
Quam meus hic docte pictā Hadrianus habet.  
Nec tantum Assyrios adolebo castus odores,  
Et tibi erit nostra uictima caesa manu.  
Thyriger at Bacchus uires & magnus Apollo,  
Sis nostro ut digne carmine culta, dabunt.

Adsis o spes alma, tuus tē cultor olympo,  
Atq; suū in gremium Felsina pulchra uocat.

AD TESTVDINEM SVAM.

DVlces o numeri, quiq; in testudine nerui  
Incepiti suaues mittitis usque sonos.  
Vos animos hominū cura releuatis ab omni,  
Aureus & per uos conciliatur amor.  
Formosæ iuuenis placiturus quando puellæ  
Impellit docta fila canora manu.  
Arma iuuent alios, & tympana rauca, tubæq;  
Me cytharæ, & cantus, me Venus alma iuuat.

INDISCORDIBVS NER-  
VIS SONANTEM.

Threitus quondam blanda testudine uates  
Indomitas fertur detinuisse feras.  
Et celeres mouit cantu delphinæ Arion,  
Saxaq;, cum celsis & nemora alta iugis.  
Has uires numeriq; habuere, fidesque sonoræ,  
Atq; manus dulces elicere apta modos.  
Attamen hos illi concordæ ex ordine uocum  
Consimiles neruis elicuere sonos.  
At nos concordæ, discordæ ex ordine uocum,  
Dissimiliq;, pares reddimus arte modos.

Sic etiam discors concordia iungit amantes,  
Sæpeque amicitias indomita ira parit.

AD SORORES.

**O** Dulces geminæ meæ sorores,  
O dulces animæ meæ gemellæ,  
Formosæ teneræ, atque delicatæ,  
Honestæ, atque bonæ meæ sorores,  
Felicisq; adeo meæ sorores,  
Quibus munera tanta, totq; dotes  
Afflarunt superi, boniq; diui,  
Dotes ingeniq; corporisque,  
Pallas, & Cytherea, Gratiaq;  
Quæ me conciliant amore uobis  
Non fratris modo, sed p̄i parentis,  
Qui uos plus anima sua usque amaret,  
Vel si quicumq; anima est magis amandum.

Hoc pudor tener ille, castitasque,  
Exculti, lepidi, probique mores,  
Hoc candor niueusq; & illa forma,  
Quæ magnas potuit decere diuas,  
Meretur, simul & fidele pectus  
Erga me, atque p̄ios simul parentes,  
Fratresq; unanimos: bonæ sorores  
Castæ uiuite uos, & integellæ,

Aeternum & memores ualete nostri,  
Valete egregiæ diu puellæ,  
Ter ualete bonæ meæ sorores.

IN PICTVRAM ADAMI ET EVAE.

**F**elices rami, frondosi & germinis arbor,  
Queis licuit tanta commoditate frui.  
Atq; ambire femur primæ iuuenile puellæ,  
Et uiridi tenerum fronde operire sinum.  
O ego tunc arbor tam felix natus ut essem,  
Tegmine & illa foret molliter usa meo.  
Atsi non hominem licuit post talia nasci.  
Tunc arbor uolui, nunc nihil esse uelim.

AD CHAROPEAM.

**M**En fugis Charopea, me ne amantem?  
Tun me despicias, & fugis sequentem?  
Non sum, non ego quem superba temnas.  
Et cultæ cupiere me puellæ  
Formosum satis, & satis uenustum,  
Doctumq; ingenuumq; nobilemq;  
Puro pectore, moribusq; cultis.  
Si te noster amor nihil moratur,  
Nil dotes animiq; corporisq;

Saltem ledere tu deos caueo.  
Poenis nam afficiunt superbiores,  
Et quæ non redamant bonos amantes.  
Daphne dum fugeret superba Phœbum  
In latos abiit superba ramos,  
Quæque amor fuit, acris est amaror.

IN LECTOREM SEVERVM.

Quid tantum insultas nostro inuide liuor amoris?  
Meque mei similem moribus esse uetas?  
Sum iuuenis, decet hoc iuuenem, sum denique uates,  
Dic mihi, nam uatem quid nisi amare decet?  
Conciliat Phœbum tenero Venus alma poetæ,  
Calcar & ingenij est ipsa puella mei.  
Ista legent iuuenes, & doctæ scripta puellæ,  
Agnoscetque ignes latus uterque suos.  
At si quis adeo est durus, nimiumque seuerus,  
Aut legat ista licet carmina, siue tegat.

AD IACOBVM A SAL/  
ZA EPISCOPVM VRA/  
TISLAVIENSEM.

Seria mittebam princeps tibi carmina, quando  
Fluctibus in medijs iam tua puppis erat.

At postquam lætis portum tenet alta coronis,  
Et nunc in tuto est firma carina loco.  
Læta damus merito tibi carmina, lætus Apollo  
Ex æquo nobis conuenit atque tibi.  
Læta tui poscunt euentus, noster & ipse  
Gaudia lætus amat, tristitia damnat amor.

AD EVNDEM.

DOctus undique sit licet Catullus,  
Lasciuus nimium, & parum pudicus,  
Quamuis maximus esset imperator,  
Cæsar, & sacer ipse, pontifexque,  
Legit Iulius attamen Catullum.

AD HADRIANVM  
VILHARTIVM.

(las.  
LEucothoen ego amo ante alias Hadrianæ puel  
Leucothoe ante alias me fugit ipsa tamen,  
Quid si ego Leucothoen fugiam, nunc rursus amabit  
Illa, & mutata mi uice mitis erit?  
Nec dubito fiet: namque est mos iste puellis,  
Dum cupias fugiunt, dum fugias cupiunt.  
M

IN AMOREM.

**I**ndomito quamuis nihil est uiolentius igne,  
Attamen est omni sauior ignis amor.  
Ignis edax etenim liquidis extinguitur undis,  
Et nihil absenti lucida flamma nocet.  
Orta salo Venus est, medijs amor ardet in undis,  
Et ferus absentem sauius urit amor.

EPIGRAMMA HOSPITALE RO-  
MAE SVB INSIGNIBVS.

**H**ospitiꝝ pro iure boni, meritisq; benigni  
Hospitis, hic tenui sumptu sua signa locauit  
Aonidum cultor Logus, at si grata benigni  
Clementis reduci spirauerit aura, manebit  
Gibertiꝝ mei solitus fauor, aurea ponam.

IN ARCEM CAROLI PRIN-  
CIPIS SILESII.

**A**ugustæ quã pulchre arcis noua mœnia surgūt  
In uaga quã se altum sydera tollit opus.  
Quæ moles circum fossarū atq; aggeris alti,  
Non ipsum debent ista timere louem.  
Omnia magna eqdē, sed princeps maximus ipse est  
Qui cœlo immensum Carolus æquat opus.

ALIVD.

**N**E turbere hospēs quisq; noua mœnia & arcē  
Arcis & inuictæ nobile cernis opus.  
Si bonus es, cōfide, malis hæc dira minantur  
Hostibus, hospitibus sunt loca tuta bonis.

IN AEDEIS IOANNIS COPPI  
MEDICI.

**Q**uam lepide ornata est modo quæ deserta iā <sup>(cebat</sup>  
A que illa quantum diffidet ista domus.  
Areaq; immundo nuper quæ sordida fimo,  
Delitias urbi nunc facit, & domino.  
Dū grauida autumnus est, teneri dum ueris honore,  
Floribus, & pomis, & uiridante solo.  
Digna domus domino, atq; idē dignissimus illa est  
Immunem hanc princeps Carolus esse iubet.  
Huius quã medicus celebri cognomine Coppus  
Extruxit cura Ianus & arc suo.

IN AVLAM PRAETORIS VR-  
BANI VIENNAE.

**H**anc aulã modo quæ rudis, atq; inculta manet <sup>(bat</sup>  
Et longo iacuit squallida, & atra situ.

Iura isti Prætor dum Paulus diceret urbi,  
Tam lepide ornauit atque sibi, atque suis.

IN AEDEIS PHARMACOPO/  
LAE OLOMVCENSIS.

**P**Harmaca Iacobus Nilo atq; oriente petita,  
Lectaq; de uarijs optima quæq; locis,  
Queis ferre auxilium præsens mortalibus agris,  
Morborum & possis omne leuare genus,  
Magnifica hac sapiens custodit in urbe, domo q;  
Egregia, quæ oculos detinet una tuos.  
Non alia decuit quã tali hæc pharmaca condi,  
Non alia decuit illum habitare domo.

AD G. VERNERVM ET VALEN/  
TINVM ECCHIVM.

**C**oncordes animæ, optimi sodales,  
Cultores lepidi nouem sororum,  
Atque ijdem ueteres mei sodales,  
Vernere optime, tuq; noster Ecchi,  
Exempla o fidei, bonique amoris.  
Ecquid uos lupus ille, carnifexq;  
Ille erro fugitiuus, & scelestus  
Vexat, ah toties repulsus exul,

Latro perfidus, & suorum Erynnis,  
Fidens usque fugæ, rapax lupus ceu,  
Quem campo modo nactus in patenti  
Venator fugat, atque fundit audax.

Sed laus hæc erit urbium perennis  
Vestrarum, & memori uigebit auo  
Vernere & tua laus, tui & sodalis.  
Vestra nanque opera, & pio labore,  
Ausu, & consilio, & pio fauore  
Erga illos, patriam, inclytumq; regem,  
Lupo fortiter obstitere, & hosti  
Fugaci trepidoq; perditoq;.

Illum cum grege turpium latronum  
Perdat Iuppiter, atque dñ, deaq;.

Vos ualete boni mei sodales,  
Concordes animæ, optimiq; amici.

AD ANTONIVM  
MELAM.

**T**V quoq; certa uenis patriæ & noua gloria no/  
Aoni cultor candide Mela chori.  
Te quoq; iactabit se culta Silesia alumno,  
Te modo proposita sic iuuet ire uia.  
Fœcunda ingenis, fœcunda Silesia claris  
Vatibus, & Cereri terra adamata bonæ.

Quare illam uirtutē tua sic iugiter ornes,  
Hæc decus, hæc uitam nam dedit ante tibi.

AD STEPHANVM  
NIGRINVM.

AH duro nimium feroquē corde,  
Et sanctæ fidei, datæq; dextræ  
Nigrine immemor, & tui sodalis.

Quid, me sic uiduas iacere noctes  
An te non miseret, piget, pudetque,  
Nec te noster amor mouet, precesq;?

Nam te cum tenera cubare amica  
Coniunctum loquitur meo cubile,  
Cautè dissimules licet, sed illud,  
Quamuis sit tacitum cubile, & ipsa  
Produnt basia, morsiuunculæq;  
Et clamant quoq; mutui cachinni,  
Quassati & strepitus simul grabati.

At tu pollicitus meros amores,  
Quos mi prostituas, meoque peni,  
Spe ludis miserum usq; & usque inani,  
Causas nectis & usque differendi,  
In longumq; trahis meos furores.

Quare oro rabiem ciere amantis,  
Tandem desine, consulasq; amori,

Et desyderio meo impotenti.  
Aut tu passeribus, simulq; onagris  
Vernis, nil rabiosius uidebis.

AD THOMAM NADASDENVM.

NAdasdene Iouem testor rectumq; piumq;  
Pauperior nunquā, quam modo, quod fuerim.  
Temporibus duris, recolens quæ horresco, tulisti  
Vnus opem ipse tuo nā quoq; sponte Logo.  
Sumptum pollicitus communiq; omnia tecum,  
Hoc tu nunc præstes ergo rogatus opus.  
Aureolos sex crede mihi, quos tēpore certo  
Atq; fide certa grate ego restituum.  
Aureolos centum seruat mihi fida Vienna,  
Qui ut mihi mittantur littera missa mea est.  
Vltro pauperior mihi quod deferre solebas,  
Præstiteris melius ditior officium.

AD REGEM FERDI-  
NANDVM.

ALcidæ cælum patuit dum fortibus ausis,  
Inuicta & domuit horrida monstra manu.  
Sic modo quod placida populos in pace gubernas  
Regna tua a monstris quodq; tuere malis.

Pro meritis rex magnæ tuis, obq; ardua facta,  
Post obitum atherei te manet aula Iouis.

AD IANVM LVCIVM  
BRASSICANVM.

**M**i cultissime Brassicane, quando  
Tam Logum ex animo colisque, amasque,  
Et famam celebras meamq; Musam,  
Culto carmine multum & eleganti,  
Quo Musam tua sic meam usque honorat,  
Quamuis illepidam, rudem, impolitam,  
Diserta, & lepida, elegans, rotunda,  
Gratias agimus tibi perennes  
Ipse ego, & mea culta sic Thalia,  
Nosque olim memores uterq; forsan,  
Te grata uice cum tua Thalia,  
In cœlum quoq; uersibus feremus,  
Non sic illepidis, sed expolitis.

AD THAIDEM.

**Q**uod formosa nites alieno picta colore  
Thais, ob hoc certe non mihi crede places.  
Nam simulata nequit uerum dare forma decorem  
Naturæ ficta est pulchrius arte decus,

IN QVENDAM.

**M**iraris cur te uitem, causamq; rēquiris,  
Est breuis, at certe non mihi causa leuis.  
Vnica disiungit nos littera, nanq; molestus  
Tu nimis es, nimium sumq; modestus ego.

IN RANVLAM ELECTRO  
INCLVSAM.

**S**uccina in Oceani labentem fluctibus undæ  
Implicuit ranam gemma coacta leuem.  
Sic que uiua fuit leuis & contēpta, sepulchro  
Post obitum cœpit nobilis esse suo.

AD ROSINAM.

**C**ollum candidius tuum ligustro,  
Cygnea nitidum magisque penna,  
Et gratis Veneri albius columbis,  
Formosis Paphiæ & dæ papillis,  
Et bello pede Thetios nitentis,  
Creta, marmore, floribusque uernis,  
Intacta & niue, lilijs & albis,  
Et quos oceanus lauit lapillis,  
Et plus nomine quod tuo nitescit,

Ornasti niueis Rosina gemmis,  
Vt quam tu niteas magis doceres.

IN PICTVRAM SEPTEM  
PLANETARVM.

Saturni inuenies, cui sydus triste, seueri,  
Barbaq; longæui fors placet hirta dei.  
Ipse alios tenet insigni Mars ense superbus,  
Et sunt quos rapidis sol tenet altus equis.  
Iuppiter & uultu placido pulcherrimus omnes  
Detinet, hoc idem quod deus ales agit.  
Atq; alijs est uisa decens intacta Diana,  
Dum sequitur celeres per iuga summa feras.  
Quisq; suum laudet, sed sunt quæ dicere uellem,  
Nec bene dissimulo, me Venus alma tenet.

AD THELESINAM.

Candida circundant niueæ tibi pectora gēma,  
Vt doceant niteas quam Thelesina magis.

DISTICHON.

Neptunū immerito culpat, sinuosa profundo  
Committit fracta qui rate uela prius.

DE SEIPSO LOGVS.

Ingenium natura mihi, moresq; benignos  
Indidit, heu nimium sumq; fidelis ego.  
Asperitas inuisa alijs, moresque sinistri,  
At mihi simplicitas damna fidesque tulit.

IN EFFIGIEM LEDAE.

DVice canit Cygnus moriēs, & amabile carmē  
Et mulcet blando tristia fata sono.  
Huius at implicitam Ledam candentibus alis  
Credibile est omni dulcius ore queri.

IN AMICITIAM.

IVnge pares in amore tibi, si uincula dulcis  
Quæris amicitiaē firma manere diu.

EPITAPHIUM LVDOVICI  
Pannoniæ & Bohemiæ Regis.

CRudele, ah nimium, nimium rex magne luiti  
Supplicium, ante diem quod peperere deæ,  
Immitisque tibi & nimium Mars sæuus in armis,  
Fauit enim diris hostibus ille nimis.  
Excussum quadrupes te nanq; palustribus undis  
Heus ferus inuoluit, in tua fata ruens.

Aeternū at iuuenē Ludouicū hæc fama manebit,  
Pro patria in patria non timuisse mori.

IOANNIS TVRSONIS EPISCO-  
pi Vratislauenſis Epitaphium.

**T**urſonis cineres magni, & mortalia membra  
Iſte habet, & ſacri principis oſſa locus.  
Pro meritis ſuperum ſedes, cœlumq; beatum  
Mens habet, immenſo uiuit in orbe decus.

ALIVD.

**H**ic ſitus eſt Turſo magnus, quis cætera neſcit?  
Hunc uolui ut ſcires & uenerere locum.

GEORGII TVRSONIS SENIORIS  
EPITAPHIUM.

**D**iuſ opum, diuſ ſobole, & uirtute beatus  
Natorum, ſenior Turſo ſuperſtes erat.  
Poſt obitū at longe ditiffimus eſt, quod in alto  
Hoſpitio cœli diuitis ipſe habitat.

ALIVD.

**T**urſo opibus ſenior, ſobole, & uirtute beatus,  
Hoc uolui ne ſis neſcius, hic ſitus eſt.

EPITAPHIUM BOR-  
NAMISSAE.

**C**oruino ante alios regi chariſſimus olim,  
Atq; domi, atque foris, fidus, & uſque bonus.  
Quem Ladislaus, regno qui deinde potitus,  
Egregium uſq; habuit magno in honore ſenē.  
Te tamen ante omnes iuuenis Ludouicus amauit,  
Qui tuus in uita dulcis alumnus erat.  
Qui poſtquam aduerſo perijt ſub Marte, iacetq;  
Non fuit in uita uiuere dulce tibi.  
Non tamen ante, nouo patriæ quam rege creato,  
Hic amor in patriam uel morientis erat.

ALIVD.

**C**oruino uenerande ſenex gratiſſime, & illi  
Proxima qui regni, te duce, ſceptra tulit.  
Huius & hinc nato, nam te Ludouicus amabat,  
Qui tuus in uita dulcis alumnus erat.  
Quo miſere exticto aduerſo ſub Marte, tibi omnis  
Extinctus uitæ eſt qui prius ardor erat.  
Non tamen ante, nouo patriæ quam rege creato,  
Labentem & moriens ut patriam erigeres.

GEORGII SAVROMANI SI-  
LESII EPITAPHIVM.

**N**il uitā moror ingrātā, te, te, heu mihi adēpto  
Sauromane, o nostræ maxima pars animæ.  
Quos animos, quantū eloquij, quantū illa leporū  
Vr̄na tenet, quæ te dulcis amice tenet.  
Florebas Roma incolumi, tuaque incl̄yta uirtus  
Enituit, Roma deficiente, iaces.

IACOBI A VILHARTICZ.

**I**acobi cineres Sophia cum coniuge adempti,  
Qui fuerat uiuis, nunc quoq; iunxit amor.  
Immatura, licet centum superauerit annos,  
Mors huius cunctis uisa & iniqua fuit.  
Hunc natū tumulum charo statuere parenti,  
Egregium egregij, pro pietate sua.

IOANNI FILIO.

**A**Nte diē Lachesis per florida prata uaganti  
Immiti abruptit stamina ducta manu.  
At dea dum nocuisse putat me iuuit, amceni  
Delitijs quia nunc perfruor Elisij.

VALENT. CLEMENTIS.  
OLOMVCENSIS.

**I**ngenio iuuenem insigni, & uirtutē potentem,  
Hocce Valentinum nobile marmor habet.  
Ingenij ille sui est dictus cognomine Clemens,  
At non huic clemens impia parca fuit.  
Quæ misero ante diem, dulcisq; in flore iuuentæ  
Immiti heu rupit stamina ducta manu.

MATRONAE OLO-  
MVCENSI.

**A**Nte diem ah rapior, teq; o charissime coniux  
Destituo, grauius quod mihi morte malum.  
Commendo ergo duas patri moritura puellas,  
Dulcia quas nostri pignora amoris habes.  
Forte aliqua & matris referet formam ore pudico,  
Quæ uos immemores non sinet esse mei,

LASTAVRI.

**V**itam in delitijs Genio indulgente peregi,  
Sectatus mores docte Epicure tuos.  
Ista meis Lastaurus ego post fata reliqui,  
Dum uixi, uixi molliter atque bene.

N ij

EBRIOSI.

**P**Otor inèxpletus quidam noctesque diesque  
 Pocula siccabat dulcis lacche tua.  
 Nūc quoq; apud manes iussus pro crimine poenā  
 Iudicio est Minos iuste subire tuo.  
 Vt Danai aeterni proles damnata laboris,  
 In caua sic stygias guttura potat aquas.

ALIVD.

**L**Astaurum postquā rapuerūt fata sub umbras  
 Impia, & ante diem fila secans Lachesis.  
 Interiere ioci, risus, studiumq; bibendi,  
 Potaq; non minuunt dulcia uina sitim.  
 Quod latum ante fuit mœror, sunt seria ludi,  
 Dulcia quæ fuerant sunt & amara modo.

ALIVD.

**H**Eus socij lætus iacet hic conuiuia, rogatq;  
 Dulcia quisquis amas pocula, siste pedem.  
 Ast ego non alijs fueram tam grata locutus,  
 Hinc procul actutum quisq; seuerus eat.  
 Forsitan expectas nomen me dicere, dicam  
 Ignoto, longe hinc aduena si quis ades.

Nam me cognorunt sic omnes, patria, ciuēs,  
 Finitimi, ut non sim notior ipse mihi.  
 Hic Laestaurus ego a socijs, dulciq; Lyco  
 Heu nimis in sicco contegor ecce loco.  
 Extinctum fleuit quisquis conuiuia læta,  
 Teq; Geni assidue, teq; Lyce colit.  
 Crede mihi Genius diuum lætissimus ante  
 Interitum large fleuit & ipse merum.

SERAPHINI CYTHAROEDI  
 ET POETAE.

**A**Eterni manes Seraphini & Musa poetæ,  
 Cuius & elysium nunc stupet ora nemus,  
 Orpheus atq; noua stupidus testudinis arte  
 Elabi manibus non sibi sensit ebur.  
 En tua post obitum cineri tibi fama superstes  
 Viuit, & ex meritis uenit in ora uirum.  
 Quæq; potest reges mors tollere læua, ducesq;  
 In te nunc uires non habet illa suas.  
 Nomen Achillini peperit tibi cura perenne,  
 Quæq; tibi facilis Musa in amore fuit.  
 Nam quæ cantata est sacris tua Musa poetis  
 Et tuus aeterno carmine uiuit honos.

IN ORATIONEM C. VRSINI VELII.

**P**annoni fortes, tuq; o fortissime regum,  
Quorū fama polos syderaq; alta ferit.  
Ornati merito ueris & laudibus, & quas  
Carpere nequicquā Momus & ipse uelit.  
Vidi ego diuino cum Velius ore disertus  
Funderet in uestrum grandia uerba decus.  
Attentaq; aures, & multa silentia, linguæ  
Dum fauet assistens maxima turba sua.  
Interdum & uoces, nutusq; & signa probantum,  
Quæ uirtus uestra expressit in eloquio.  
Phœbus & auricomū radijs caput auctus honestis  
Et toto effulsit clarus in orbe dies.  
Sic uestro diui atq; homines decori usq; fauebant,  
Aeternum & faueant dijq; hominesq; boni.

AD STANISLAVM TVRSONEM  
Episcopum Olomucensem.

**X**enia respondi poscentibus annua multis  
Ipse dabo uobis, cum mihi Turso dabit.  
Conditione fidem facili hanc exoluere possum,  
Ut nihil ijs donem, des mihi Turso nihil.  
Conditione sed hanc meliore exoluere uellem,  
Ut donem ijs aliquid, des mihi Turso aliquid.

EPIGRAMMATVM ET VERSVVM  
QVI IN AESCHINIS ET DE  
mosthenis contrarijs inter se  
orationibus citantur  
translatio.

ἢ ἄρα κἀγὼνοι ταλακάρδιοι οἱ ποτε μίσθω  
παισίη ἐπ' ἰϊόνι στύμονθ' ἀμφὶ βόας  
Διμόντ' αἰθῶνα, κρατερόντ' ἐπάγοντες ἄρκα  
πρῶτοι δ'υσμενέωμ' εὐρομ' ἀμικανίω.

**H**is etiam intrepido uiguit sub pectore sanguis  
Qui Medos rapidi Strymonis ad fluium  
Vexatosque fame, domitos & Marte superbo,  
Cedere uirtuti tum docuere sua.

ἢ γιμόνεσι δὲ μισθῶν ἀθλωαῖοι τάδ' εἰ δῶκαρ  
ἀντ' ἐνεργεσίης καὶ μεγάλης ἀρετῆς  
μᾶλλον ἢ τὰδ' ἰδῶν εἰ ἐπιποσμένων ἐθειλίση  
ἀμφὶ ζωῆσι πράγμασι μόχθου ἔχην.

**P**raemia uirtuti egregia, pulchroque labori,  
Cecropidae & meritis haec tribuere ducum,  
Posteritas olim ista uidens, serique nepotes  
Pro patria ut cupiant sic quoque dura pati.

ἔκ ποτε πῆρ δὲ πόλιος ἄμ' ἀβείδῃσι μενεαδείοις  
ἠγῆτο ζάθεον βρώϊον ἀμπεδύον,  
ὅμ ποτ' ὄμικρος ἔφκ δαναῶν πύκα χαλκοχιτώνων  
κοσμίτωρα μάχης ἔσοχον ἄνδρα μολεῖν.  
οὕτως οὐδὲρ ἀφικέσθαι ἀθλιωαίοισι καλεῖσθαι  
κοσμητὰς πολέμοι' ἀμφὶ Ἐῖνος ἔης.

**V** Rbe olim ex ista Mnestheus comitatus Atri/  
Egregius campis dux erat in Phrygijs.  
Illum inter Danaum florenteis are cateruas,  
Fortia dum quassat arma tremente manu,  
Pulchrum ornamentum belli & uirtute potētem,  
Diuinus sacro carmine Homerus ait.  
Cecropidæ indigni neq; nunc hac laude ferentur,  
Belli & uirtutis qui meruerē decus.

οἷδε πάρος ἔνεκα σφετέραις εἰς δῆριν ἔθεντο  
ὄπλα, καὶ ἀντιπάλων ὕβριμ' ἀπεισκέδασσαν  
μαρνάμενοι δ' ἀρετῆς Ἐδέματος οὐκ ἐσάωσαν,  
ψυχὰς, ἀλλ' αἰδῶν κοινὸν ἔθεντο βράβω,  
δύνεκεν ἐλλῶσαν, ὡς μὴ ζυγὸν ἀυχένι θέντες  
Δουλοσύνης συγερὰν ἀμφὶς ἔχωσιν ὕβριμ'.  
καὶ δὲ παρῆς ἔχθ' κόλποισι τῶν πλείσα καμάντων  
σώματ' ἔπει θνητοῖς ἐκ δῖος ἦδε κρίσις.  
μηδ' ἐμ' ἀμαρτῆρ' ἐσι θεῶν καὶ πάντα κατορθοῦν  
ἐμ βιοτῆ', μῦθον δ' οὐδ' ἀφυγῆν ἐπορεμ.

**O** B patriam belli durum in certamen euntes  
Obuia dumque ferunt hostibus arma uiri.  
Virtutis memores quanquam instantisq; pericli  
Fortiter aduerso pugnam iniere deo.  
Græcorum pulchra pro libertate cadentes,  
Subdere ne turpi fortia colla iugo  
Seruitiumq; pati possent, lue scædius omni,  
Fortia quorum almo patria terra sinu  
Corpora contumulat, fuit hæc Iouis alta uoluntas,  
Bella hominum cuius numine resq; fluunt.  
Omnia pro uotis succedere quippe deorum est,  
Mortalis nemo fata cauere potest.

**T** οὓς δ' ἀρετῆς ἔνεκα στεφάνοις ἐγέραιρε παλαυχῶν  
Δῆμ' ἀθλιωαίων, οἱ ποτε τοὺς ἀδίκους  
θεσμοῖς ἀρχόντας πρῶτοι πόλεως ἠπάσαν  
ἤρασαν κίνδυνον σώμασιν ἀράμενοι

**C** Ecropide antiqui ob meritū uirtutis honoræ  
Stare coronatos hos uoluerē uiros,  
Iniustis ciues qui auersos legibus ausi  
Placare, atque ultro dura pericla pati.

**P** ολλῶν δὲ ξύμπασα πόλις κακῶ ἀνδρῶς ἐπαυρεῖ  
ὄσκειν ἀλιβεαῖν καὶ ἀτάοδαλα μηχανάαται  
τοῖσιν δ' οὐρανόθεν μέγ' ἐπέγχεσθαι πῆμα κρονίωι.

λοίμω δὲ καὶ λιμῶ, ἀποφθινύθουσι δὲ λαοί  
ἢ τῶν γε στρατῶν εὐρυῖ ἀπώλεσεν, ἢ ὄγε τῆχος  
ἢ νέας ἐν πόντῳ κρονίδης ἀποτίννεται αὐτῶν.

**V**Rbs quoq; tota olim immeritas luit ordine  
Vnius obnoxam scelerati, & dira merentis  
Supplicia, ex alto quibus hæc Saturnius infert,  
Pernicies hominū sauas pestemq; famemq;  
Utq; truci intereant bello cum mœnibus ipsis,  
Clasibus utq; mari plenis mergantur in alto.

μυρίνου.

Θύρσις ὁ κωμῆτης, ὁ τὰ νυμφικὰ μῆλα νομεύων,  
Θύρσις ὁ σαρδῶν παῖς ἴσον δόνακι,  
ἔνδ' ὄνειδος, οἰνοπότης, σκιερὰν ὑπὸ πινυ πύτυρ' ἐνδ' ἔειπε  
φρῆσθ' ὁ ἀνδρῶν ἐλῶν πόμνια βάκτρον ἔξως.  
& νύμφαι, νύμφαι, διεξείρατε τὸν λυκοδαρσῆ  
βοσκόμ, μὴ θηρῶν κύρμα γένησθ' ὁ ἔξως.

LAZARVS BONAMICVS  
BASSIANAS.

**T**hyrsis oues pascēs nympharū, Pana uel ipsū  
Thyrsis, arundineis æquiparans calamis  
Dormit ad umbrosam pinū, sumptoq; bacillo  
Custodit pingues ipse Cupido greges.

Ah nymphæ, nymphæ pastorem excite, ferarum  
Morsibus ah duris ne laceretur amor.

PHILIPPVS OBERMARIVS.

**N**ympharū custos ouiu bonus ille Menalcas,  
Qui Pana argutis æquiparat calamis.  
Ebrius umbrosa proflat sub rupe soporem,  
Atq; greges sumpto curat amor baculo.  
Ah nymphæ ah uestro nymphæ depellite somnū  
Pastori, ipse lupus ne noceat puero.

GEORGIUS LOGVS.

**N**ympharū custodit oues dū Thyrsis, et ipsū  
Pana deum calamis æquat arundineis.  
Effusum domuit sub pinu somnus opaca,  
Cuius amor sumpto seruat oues baculo.  
Pastori ah nymphæ uos somnū rūpите nymphæ,  
Ore trucis pereat ne puer iste lupi.

Λεωνίδης τοῖς ἀγρόταις θεοῖς.

ἄλλια, καὶ νυμφῶν ἱερὸς πάγος, ἔθ' ὑποπέτρῳ  
πίδακις, ἢ ὕλασιν γητονέσσα πύτυς,  
καὶ σὺ τετράλωχον μίλοσθ' ἐμαῖος ἐμαῖ.  
ὅς τε τῶν ἀγροτάων παῖν κατέχει σκόπελον.

Ἰλαθ' τὰ ψαῖσά, δὲ πε σκίψ' ἔμπλεον ὄϊνης  
δ' ἔξασ' ἄιακίδ' εὖ δ' ἄρα νεοπτολέμω

**A**Vlæ & nympharum sacri sub rupibus altis  
Fontes, quæq; undis proxima pinus ades.  
Et genite o Maia pecoris fidissime custos,  
Quiq; tenes capris pascua Pan scopulos.  
Propitè uiniq; urnam, dulcesque placentas  
Suscipite Aeacidæ dona Neoptolemi.

**K**άλλος γὰρ περίπυρον ἀμωμήτοιο γυναικὸς  
ὀξύτερον μερόπεισι πέλα πέρροντι οἷσ' ἄ  
ὀφθαλμὸς δ' ὀδός ἔστι, ἀπ' ὀφθαλμοῖο βολάων  
ἔλκ' ὀλιθαίνῃ ἐπὶ φρένας ἀνδρὸς ὀδύῃ

**I**Ntaetæ celebris decor, & bona forma puellæ  
Acrior est animis hominū penetrante sagitta.  
Suntq; duces in amore oculi, delabitur inde,  
Atque uiri uulnus præcordia serpit in ima.

μουσαίου  
γλῶσσα γὰρ ἀνδρώπων φιλοκέρτομο ἐν δ' εὐσιωπῇ  
ἔργον ὅπερ τελέῃ τις ἐνὶ ἑξόδοισι τῶν ἀκούῃ

**L**ingua hominū rixas amat, & conuitia, quodq;  
Tu sine teste facis, compira tota sonant.

ILLVSTRI PRINCIPI LVDO  
VICO REGI HVNGA  
riæ & Bohemiæ filio dile  
cto Clemens VII.  
Pont. Max.

**C**Harissime in Christo fili noster salutem &c.  
Dilectus filius Georgius Logus Silesius subditus  
Serenitatis tuæ, cum ad aliam urbem, religionis  
& ueniæ a domino deo consequendæ gratia, se cō/  
tulisset, ac propter ingenium & litteras a doctissi/  
mis huius ciuitatis uiris in honore esset habitus,  
astitit etiā coram nobis, ex quo nos præsentem, meli  
us quoq; cognouimus, quod sermonibus multo/  
rum ad nos fuerat perlatum, summū in eo esse in/  
genium, summum græcarum & latinarum littera/  
rum studium, in quibus a deo nobis profecisse ui/  
sus est, ut carminibus præsertim pangendis, pau/  
cos cuiuslibet ætatis, & nostro & aliorum iudicio  
habeat pares. Quodq; nobis mirifice placuit, pri/  
mariamq; in eo laudem obtinere uisum est, ea pie/  
tate eum intelleximus præditum, ut doctrinam su/  
am uellet potissimum cum dei honore, & cultu ue/  
ræ religionis esse coniunctam. Is nobis narrauit se  
triennium iam in Italiæ Gymnasijs literis operam  
dedisse, adiutum liberalitate, & munificentia Se.

○

T. q̄ ei annuum subsidium ducentorum aureorū  
constituisses, gratissimoq; animo sese opus tuum,  
& abs te factum esse prædicauit. Quod nobis de  
tua Sere. semper optime sentientibus, auxit etiam  
opinionem benignitatis tuæ, cum uideremus te id,  
quod maxime est regium, de animandis ad opti-  
mas artes his, qui in regno tuo nati sunt, & cura &  
sumptu elaborare. Cū autem is ad Sere. T. redi-  
turus esset, etsi superuacuum iudicabamus tibi eū  
commendare, propterea q̄ satis sua uirtute & tuo  
in illum iudicio esset commendatus, uoluimus ta-  
men has ad te scribere literas, quæ pondus habe-  
rent potius testimoniū nostrī, q̄ commendatiōis, ut  
cum tu tua sponte ad hunc iuuenem ornandum &  
fouendum te dedisses, primum intelligeres præcla-  
re abs te & operam & liberalitatem tuā fuisse posi-  
tam, magnamq; T. Sere. laudem ex eo accedere.  
Deinde ut nostra quoq; causa, qui eum tamen tibi  
commendamus, esses erga eum etiam propensior.  
Quod etsi intelligimus te per te fuisse facturum,  
erit tamē nobis pergratū, ut ipse sentiat, & re ipsa  
experiatur, hanc nostrā cōmendationē nō medio-  
cri illi usui apud Sere. T. extitisse. Quod ut facias  
eandē Se. T. magnopere in domino adhortamur.  
Datum Romæ die xxiiij. Nouēb. M.D. XXV.  
Pont. nostri Anno secundo.

Jacobus Sadoletus.

SPECTATISSIMO ET INGENII  
AC VIRTUTIS LAVDIBVS

70  
ornatissimo iuueni Georgio Lo-  
go amico præcipuo Lazarus  
Bonamicus Balsianas  
salutem.

**E**T si mihi propter multas ingenii suauitates di-  
scessus tuus superiori tempore parum iucundus ac-  
ciderat, tamen in molestia gaudebam, quod te ho-  
nestam hæreditatem creuisse audiebam. Cum ue-  
ro nuper ex Adriano utriusq; amicissimo de redi-  
tu tuo cognouissem, incredibile dictu est, quāta me  
hoc lætitia extulerit. Nā cū eximia spe summaq;  
uirtute adolescentium frequentia, aliquanto instru-  
ctior ac ornatior Academiā nostra sit, quam eam  
tu reliquisti, nihil plane aliud quam te desyderare  
uidebatur, ex cuius ingenio, summam semper glo-  
riā speraui. Quare expectatissimū scito te ad nos  
reuersurum. Vale Calen. Martij M. D.

XXVI. raptim.

Reuerendissimo domino Stanislao Olomucē-  
si Episcopo ex ueteri illa disciplina, innocentia, li-  
beralitate, etiam atque etiam me commendabis,  
totumq; trades.

O ij

PAVLVS IOVIVS STANISLAV  
TVRSONI EPISCOPO OLO/  
MVCENSI S. D. P.

**G**Eorgius Logus noster, qui propter nobilitatē carminum apud Academicos Romanos per hosce dies in honore fuit, & a Clemente Pont. max. humanissime susceptus est, multa apud nos de singulari animi tui uirtute prædicauit, ita ut ego non in postremis abs te, non modo in gratiam, uerū & in clientelam recipi uehementer desyderem. Id si pro magnitudine candoreque animi tui feceris, & nos quoque officio non deerimus, testabimurque ingenij monumentis, nos non omnino indignos fuisse, qui in patrocinium tuum ultro euntes, in gratiam reciperemur. Spero enim, si me commentariis oportune adiuueris, ut ipse Logus te facturum pollicetur, patriam tuam Morauiam, quæ quondā Marcomannorū gentis fuit, in historijs meis illustraturū, Tursonisq; nomen & insigni pietate, & literarū studijs clarissimū, non sine aliqua spe immortalitatis, posteris cōmendaturū. Caterū Logus adeo nos suauissimis moribus, elegantissimisque carminibus cœpit, ut iā illū tibi maxime inuideamus, cogamurq; illū pfligato pudore abs te repetere, et

id quidem sua etiā de causā. Nā speramus, par/  
ta pace optima, eum si ad urbem redierit, liberali/  
tate acquisitissimi Pontificis, auspicijsq; Gi/  
berti Datarij aliquo sacerdotio exor/  
natum uidere. Ipse etiā quibus  
nūc curarum fluctibus obrua/  
mur, cum neque certa pax,  
neq; aperte arma tra/  
ctantur, longiori/  
bus sermoni/  
bus ex/  
plica/  
bit.

Vale, Romæ,  
quinto Idus Ianua/  
rij M. D. XXVI.

O in

PAVLVS IOVIVS STEPHA/  
NO BRODERICO  
S. P. D.

**R**edit ad uos Logus, nō iam uester, sed iure op/  
timo noster. Quis enī eo doctior, suauior, atq; can/  
didior? ut nō altus in Hercinijs saltibus, sed media  
in urbe uideatur. Propterea redit igitur certa con/  
ditione, ut reuertatur. Nam neq; nos eius desyde/  
rium diu feremus, nec ipse, nisi ferreus sit, diutius  
morabitur, quin reuisat suos sodales, suos patronos  
Gibertum & Campanum, suum deniq; Pontificē  
maximum, qui eum adeo humaniter suscepit. Viā  
certe uorabit si sapiet, cum classicum defessi Mar/  
tis conticescet. Speramus enī parta pace, Clemē  
tem restitutum sibi, camēnas esse respecturū. Tu  
uero Broderice eum nostra quoq; de causa homi/  
nem tibi, mihiq; ob ingenij suauitatem coniūctissi/  
mum liberaliter complexu hylariore sur/  
scipies. Vale. Ex urbe, quarto

Idus Ianuarij M. D.

XXVI.

GEORGIVS SAVROMANNVS  
SILESIVS STEPHANO  
BRODERICO  
SALVTEM.

**N**olui committere, clariss. Broderice, ob insti/  
tutam nuper illam, saneq; arctissimam necessitudi/  
nem, quæ nos perpetuo quodam nexu coniunxit,  
quin aliquid literarum Georgio Logo utriusque  
nostrum amantissimo ad uos redeunti darem, ut ti/  
bi uel inde, tametsi longo admodum terrarum in/  
teruallo disiuncti sumus, liqueret, q̄ penitus te ex  
animo cōplecti cœperim, quamq; interim tui me/  
mores fuerimus, dum nullum hic apud optimos  
quosque tui ornandi locum omittimus. Cuius rei  
facile uel Iouij, uel Marsupini literæ testes fuerint.  
Quod & tu istic uicissim facias te uehementer eti/  
am atq; etiam rogamus. Fecisse autem id te puta/  
bimus, quum G. Logum non solum iam ampliss.  
spei adulescentem, sed & uirtutis & doctrinæ spe/  
tatissimæ, qua potes autoritate istic tua iuueris,  
ne cœptum studiorum suorū cursum supremo in/  
stadio destituere cogatur, neue & ipse, qui etiam nū/  
pristino hic in fortunæ ergastulo desudo, mei ali/  
quando dissimilis fiam, cum nunquam infelix hoc  
Sisyphi, quod tot annos in surda animorum clau/

stra, & in aduersos purpuratorum scopulos moli-  
mur, saxum cōstitit. Facile uero rationibus meis  
cōsulueris, si regias in mei istinc commēdationem  
ad Pont. maximum literas impetraris, a quo ha-  
ctenus laudamur quidem, sed & mirifice algemus,  
atq; (si dñs placet) esurimus. Poterit & plurimū  
dignitatis tuæ existimatio apud parentem, qui si  
uestro beneficio secundiori flatu utitur, fac quaeso  
mihi æquior sit. Non erimus ingrati, neque regno  
indecores. Profecutus est Pont. max. Logum sum-  
mis honoribus, atque insigni sapientissimi  
philosophi facie, quæ gemma expressa.

Rarum opus, præsertim hoc sa-  
culo. Vale. Raptim Romæ

XI. Ianuarij. Anno M.

D. XXVI.

## IOANNES ROSINVS.


**N**ectareos succos Aganippidos Hippocrenés,  
Quæ tenero castæ ducitis ore deæ, (sus.  
Queis iuga, queis saltus, uiridesq; sub antra recess)  
Sunt cordi: & numeris carmina iuncta suis,  
Dicite, post magni felicia fata Philetæ  
Callimachi Musam, Threitiamq; chelim,  
Cuiusq; quicq; uestras an alluit aures  
Mollius, & uestro dignius ore cani,  
Carmin e diuini iuuenis, quem Slesia quondam  
Barbara, sed iam non barbara, terra tulit:  
Haud equidem credo, siquidem mortalia corda  
Hoc nihil hauserunt mollius, aut melius.  
Quod placet hoc uestrū est, æquo si lumine quenq;  
Respicitis, uestro digna fauore canit.  
Quæ superos tangunt, eadem mortalia mulcent  
Pectora, nam nostri pars quoq; morte uacat.  
Liuor edax cohibe furialis uerbera linguæ,  
Hæc medio in Latio carmina digna legi.  
His tenuit numeris aures, mentesq; Tibullus,  
Aeternum his numeris docte Catulle places.  
Tu quoq; magno animo pertende, superbia parta  
Tot meritis humili te uetat esse loco.  
Indole nobilius nihil ista, uera fateri  
Si uolo, teutonico grandius ore sonas.

Illustres inter numerabere Loge poetas,  
Quos gremio fouit Martia Roma suo.

ERRATA.

B 3, nitro lege uitro. B 5, Zolcano Zalcano. Laxano Loxano,  
E 6, facit. facit. F 1, Vilio, Iulio. K 4, Omnia, Omina. L 6, mei, meis,  
M 4, magnæ magne. M 5, ad Rosinum, Rosinam. N 5, merum, me  
um. N 4, βράβλιω .βλάβλιω, Eadem θεῶν. θεῶν.

VIENNAE PANNONIAE  
Hieronymus Vietor Silesius  
excudebat Mense Maio  
M. D. XXIX.



Georgius Logus

Virtutis monumentum hoc est insigne Logorum.  
Marmoreum findit semita ducta solum,  
Quod nobis recti stat mens adamantina, quodq;  
Pergere nos illa sic iuuat usque uia.



Georgius Pons

Perire nos ille sic non videtur.  
Quod nobis recte non videtur, quod  
Mortuus in se tenet hanc vitam  
Virtus monuit nos esse in hoc se.

